

光緒二十七年八月印行

# 普通新歷史

上海普通學書室板

普通新歷史 十卷 商務印書館  
普通學書室編 光緒二十七年(1901)

光緒二十七年八月商務印書館代印

## 普通新歷史

### 凡例

一是編以日本中等學科教授法研究會所著東洋歷史爲藍本取其序次明晰記錄簡要足備教科之用也原書雖稱東洋史爲亞細亞東半洲諸國人民盛衰興亡之歷史實則全以我一國爲樞紐其餘皆參附耳今就原書增刪取舍以合於我國小學教科之用

一近世全球交通之會我國民漸漸與世界相見優勝劣敗卽在此一二百年之間誠千載一時也我國民之眼界斷不可僅注於內國數十朝之興替沿革中須考察種族勢力之強弱文明之高下能力之大小以爲大衆警醒振拔之標準譬如人當幼穉時不過留心家庭之事務及中年成立勢必留心於鄉里城鎮之風俗事業以爲支持門戶之計日本教育家多以發達青年之志氣爲主於是編亦可窺

見一班尙望當教育家之注意焉

一是編於我國近代事較原書稍詳但僅僅記錄其事迹彰著者且依事直敘不加斷按之語實以編者見聞既隘識力更微故不敢以一人之私見參入也

一是編以教童年學生爲主故一切稱謂大都擇其通用者而已若於史家體例恐多舛謬閱者諒之

光緒二十七年六月

編者識

## 普通新歷史目次

### 第一章 總論

第一節 史學之要

第二節 地理

第三節 人種

第四節 歷史源流

### 第二章 三皇五帝及三代

第一節 三皇五帝

第二節 夏殷之世

第三節 周之初世

第四節 春秋

第五節 戰國

第六節

三代之學術

第三章

秦漢時代

第一節

秦

第二節

漢之初葉

第三節

孝武帝

第四節

武帝以後之西漢

第五節

東漢之初葉

第六節

東漢之衰世

第四章

三國兩晉南北朝

第一節

三國

第二節

晉及五胡之亂

第三節

東晉盛衰及後魏之興

第四節

南北朝

第五章

隋唐時代

第一節

隋

第二節

唐之創業

第三節

唐之中世

第四節

唐之末世

第五節

學術宗教

第六章

五代及宋之時代

第一節

五代

第二節

宋之創業及遼夏入寇

第三節

朋黨之紛爭

第四節

遼金興廢及北宋滅亡



第五節 宋室徧安

第六節 蒙古興金宋皆亡

## 第七章 元明時代

第一節 元之盛世

第二節 元之衰世

第三節 宗教

第四節 明之初葉

第五節 明之中葉

第六節 明之末葉

## 第八章 國初

第一節 武功上

第二節 武功下

第三節 制度及學術

第四節 歐人東漸

## 第九章 嘉道咸同間

第一節 內地諸寇

第二節 鴉片戰爭

第三節 髮匪大亂

第四節 英法同盟軍之寇

## 第十章 近年時事

第一節 俄人交涉

第二節 越南之事

第三節 朝日之役

第四節 近年朝政

## 普通新歷史

普通學書室新編

### 第一章 總論

#### 第一節 史學之要

立國於大地、文化之先、卓絕五洲、有四千餘年之歷史、二十餘朝之人物、延及至今、生靈四百餘兆、疆域三千餘萬方里、且地處溫帶、物產豐富、爲東洋之中心、地上之要國、自有記載以來、政教文物、燦然可攷、誠以史學者、政治之根柢、國民之統系存焉、今者大地交通、歐勢東漸、東洋各國、多爲白人種所併吞、我國近年、割地開港、亦幾爲所分割、從此舉全國之力、振興庶務、輸入文明、以光我古國之聲名、駕五洲各國而上之、非國民之責任而何、爰輯是編、起自立國、迄於近時、撮其大綱、以作我通國民之觀念云爾、

#### 第二節 地理

天山崑崙山

黃河揚子江

地分五大洲、而亞洲居其一、亞洲共有十餘國、而中國爲其一、中國東南環海、西北接俄壤、西南接英屬印緬、有天山與崑崙山二大山脈、起於西北、蜿蜒而東、崑崙山脈、特入中國本部而分支諸山脈、若云水域、則黃河與揚子江二大水道、是其最要者、黃河沿岸、爲文明發生之地、揚子江至今更形輪舶之利便、是皆爲歷代史上之爭點也、

境界沿革、歷代不同、舉本朝政治上之區所劃者、共分六部如左、

(一)中國本部 分直隸。山東。山西。河南。陝西。甘肅。江蘇。安徽。江西。浙江。福建。湖北。湖南。四川。廣東。廣西。雲南。貴州共十八省

(二)滿洲 分盛京。吉林。黑龍江三省

(三)蒙古 分內蒙古外蒙古

(四)新疆

(五)青海

(六)西藏 分前藏後藏

### 第三節 人種

人種之大別有五、曰黃色、曰白色、曰黑色、曰紫色、曰銅色、原其始祖、各自不同、自來東洋諸民族、概謂之黃色人種、而人類學上分之爲二、一曰支那派、一曰西伯利亞派、

支那派更分爲三、曰漢種、圖伯特種、印度支那種、漢種即中華之人民、圖伯特種即西藏之住民、嘗出氏羌吐蕃黨項等、印度支那種、東印度及中國南部之住民、即苗瑤等是也、

西伯利亞種更分爲四、曰通古斯種、蒙古種、土耳其種、韓種、通古斯種即今之住於滿洲者、前之金亦出於此種、蒙古種、即蒙古之居民、周曰東胡、漢曰烏桓、鮮卑、晉末立北朝、唐末立遼、至宋末而元興、東洋史

西伯利亞派

支那派

封建時代

郡縣時代

文化起原

上之有大勢力者，土耳其種，今住新疆以西，史稱獯鬻。獯鬻。匈奴。柔然。突厥等皆是也。韓種，即朝鮮日本之住民。

#### 第四節 歷史源流

中國之政治，分兩大別，唐虞夏商周，為封建時代，史稱為最盛時也。自秦以後，至今二千餘年，為郡縣時代。曰秦，曰漢，曰三國，曰晉，曰南北朝，曰隋，曰唐，曰五代，曰宋，曰元，曰明，以及本朝，唐虞以前，記載未盛，概謂之太古時代，相傳為三皇五帝云。

### 第二章 三皇五帝及三代

#### 第一節 三皇五帝

三皇 中國之文化，距今大凡五千年前，來自西方而繁殖於黃河沿岸之漢種始，相傳國初有盤古氏，而其後有天皇氏。地皇氏。人皇氏。則謂之三皇，然今亦未能確知其名號，意當時未有一統之君主，諸大

族各奉其君長以各據一方而已。

三皇以後之著者，曰有巢氏，構木為巢，燧人氏，鑽木取火，居室烹飪以是始，次有五帝之名，其事迹稍有可攷。

伏羲

五帝 伏羲。神農。軒轅。堯。舜。謂之五帝。太昊伏羲氏，風姓，都於陳，

陳州教民佃漁畜牧，以充庖厨，畫八卦作書契以代結繩之治，作甲歷以

定四時，制嫁娶以重人倫，造琴瑟而音樂亦由是興矣。

神農

炎帝神農氏，繼世踐位，姜姓，遷於曲阜，山東曲阜縣初斲五穀，嘗百草，製醫藥，始設日中為市，農商之業以興，醫道亦由此始焉，傳八世至榆罔而

黃帝

黃帝軒轅氏，姬姓，國於有熊，河南新鄭縣破榆罔於阪泉，直隸保定府擒蚩尤於涿鹿，直隸涿州奄有空桐，甘肅涇州以東，江水，江揚子以北之地，作九數造律呂，而度量衡由是成，作冕旒正衣裳以表貴賤，作器用舟車以利民用，作貨

帝堯

幣以制國用，作內經以濟天札，教育蠶以供衣服，制度漸盛，其後經少昊。顓頊。帝嚳而至帝堯。

帝堯

帝堯陶唐氏，姓伊耆，帝嚳之子，黃帝之曾孫也。都平陽。山西平陽府命羲和二氏作歷象以授民時，置閏法，定四時成歲，時有洪水之患，使鯀治之，弗成，舜以孝聞，乃舉於畎畝之中，使總百揆，且禪帝位也。

帝舜

帝舜有虞氏，姚姓，帝堯之婿，攝位二十有八載，堯崩，踐位於蒲坂。山西蒲州使禹治水，益掌火，棄教民播種，契為司徒，敷五教，舉十六族，流四凶，設巡狩述職之制，三載考績，三考黜陟幽明，尋禪位於禹，帝堯帝舜二代併稱曰唐虞，後世最稱述之。

獯鬻

五帝之攘夷 五帝以前，漢種僅有黃河沿岸地，其餘皆異族所據，南之三苗，北方之獯鬻，皆強盛，及黃帝用師於北方，擊獯鬻於陰山以北，更拓地於西南，於是北狄一時屏息，黃帝以後之諸帝，皆經營南方。

三苗

如帝舜則征三苗，南巡狩而崩於蒼梧之野。湖南永州府

大禹

### 第二節 夏殷之世

夏之興亡 夏之始祖曰大禹，姒姓，顓頊之後，鯀之子也，以治水功

帝位世襲

受舜之禪，都安邑。山西解州會諸侯於塗山。安徽安慶府執玉帛者萬國，鑄九鼎以象九州，巡狩江南，崩於會稽。浙江紹興府子啓繼位，此為帝位世襲之始。

少康

啓子太康，尸位不脩政，有窮后羿，拒之於河，立其弟仲康，仲康崩，子相踐位，時權歸后羿，羿逐相而自立，凡八歲，羿之臣寒浞又殺羿，弑相而自立，后緒帝相之女有方娠，逃歸有仍而生少康，至二十九歲，夏之遺臣靡興師誅浞，少康踐位，復禹舊迹，夏道復興。

桀

後歷十一世至桀，嬖有施氏女妹喜，殺諫臣關龍逢，國政大亂，遂為成湯所滅，共四百餘年而亡。

成湯

殷之興亡 成湯起於亳。河南歸德府聘伊尹於有莘之野。河南陳留縣用以

伊尹放太

紂

文王

武王  
封建

五等爵

武庚叛

周王相成

爲相、先平四境、放夏桀於南巢、巢、安徽縣踐帝位、國號商、蓋湯爲契之後、唐虞之際、契爲司徒、封於商、湯崩、孫太甲卽位、不明厥德、顛覆典刑、伊尹放之於桐、山、山西、桐、縣自攝國政、三年、太甲悔過、伊尹乃奉歸於亳、增脩厥德、廟號太宗、

歷五世至太戊、善脩國政、號中宗、又歷十世至盤庚、遷於殷、河、河南、縣遂改國號曰殷、商道復興、後二世至武丁、相傳說、國威大振、號高宗、自後殷室漸衰、至暴王紂、嬖妲己、作炮烙刑、醢九侯、鄂侯、殺比干、囚箕子、微子抱祭器奔周、自湯至是六百餘年、遂爲周武王所滅、

### 第三節 周之初世

周之基業 武王發姬姓、棄之後、唐虞時、棄爲后稷而封於邰、陝、西、武功、縣至古公亶父、王、太避獯鬻之患、邑於岐山之下、陝、西、岐、縣立國號曰周、至其孫文王昌、生有聖德、爲殷之西伯、都豐、陝、西、豐、縣已有天下三分之二、

文王薨、子武王立、殷國日亂、武王率諸侯、破紂於朝歌、河、南、衛、輝、縣紂自燔而死、斬妲己、封比干墓、發粟散財、卽位都鎬京、陝、西、長、安、縣修封建之制、中央地方千里爲王畿、其餘分五服、甸、侯、綏、蠻、鎮、藩分封同姓、功臣、及先聖之後、如封太公望於齊、山、東、齊、州、府周公旦於魯、山、東、兗、州、府召公奭於燕、直、隸、順、天、府封紂子武庚爲殷侯、使管叔等監殷、訪道於箕子、箕子陳洪範、乃封之於朝鮮而不臣、當時之得封土者、兄弟十五人、同姓四十餘、異姓十八人、又定公侯伯子男五等之爵、公侯地方千里、伯七十里、子男五十里、五十里以下爲附庸、附於諸侯、

### 成康之治

武王崩、子成王誦立、年幼不能蒞阼、周公攝政、時管叔以武庚叛、且流言於國、謂公將不利於孺子、周公乃居東二年以避之、王悟、迎公歸、誅武庚及管叔等、封微子啓於宋、河、南、商、縣以紹殷後、周公修禮樂制度、以爲後世法、成王長、周公還政、營東都於洛邑、河、南、洛、陽、府與

康王 昭王 厲王 宣王中興 幽王 平王東遷

西都鎬京相並，且與召公共輔翼成王，後召公又與畢公共相成王之  
子康王釗，是時國威全盛，刑罰四十餘年不用，外有越裳氏重譯來朝，  
**周室衰微**，康王崩而昭王立，國威漸衰，四夷交侵，王南巡爲楚人  
所弑，及穆王嗣立，東有徐戎之亂，西有犬戎之患，王出兵征之，自是諸  
侯漸橫，戎狄益寇中國，歷四世至厲王暴虐，民不堪命，國人逐之，王居  
於彘，山西霍州周召二公行政，號共和，及王死，奉太子靖卽位，是爲宣王，  
宣王聰明而盡力攘夷，親征徐戎，令秦仲伐西戎，召穆公平淮夷，方叔  
征荆蠻，尹吉甫討玁狁，一時成中興之業，至子幽王嬖褒姒，廢申后及  
太子宜臼，宜臼奔申，河南鄭州王伐申，申侯召犬戎攻弑王於驪山之下，西陝  
臨潼縣犬戎盡取寶器而去，  
時晉文侯、衛武公將兵救周平犬戎，立故太子宜臼，是爲平王，平王  
恐戎狄之患，棄西都而東遷洛邑，是時王室衰微，政由方伯矣。

#### 第四節 春秋

**十二列國** 春秋者孔子所記載時代之總稱，自平王四十九年至  
敬王三十九年，前後二百四十二年之間也，周室盛時，諸侯皆守三等  
之制，公侯百里伯七領土不甚相懸，及其衰弱，漸肆併吞，三等之制全  
破，至春秋時，強國之存者，僅齊、楚、晉、秦、魯、衛、宋、燕、鄭、曹、陳、蔡  
十二國，其中魯、衛、晉、鄭、曹、蔡、燕與周同姓，其餘皆異姓之國，楚實  
起自南蠻而稱王者，

**戎狄之患** 王室既衰，諸侯之內訌不絕，戎狄乘之，深入內地，今舉  
其著名者，雍州有犬戎，驪戎，白狄，冀州有赤狄，北狄，幽州有東胡，  
山戎，豫州有陸渾，茅戎，青州有長狄，揚州有淮夷，楚率南蠻而北侵，  
秦併西戎而東進，

**五霸之強** 霸者，爲諸侯之盟主也，齊桓公先起而大唱尊王攘夷，

諸侯併吞

楚與秦

齊桓公



宋襄公

晉文公

秦穆公

楚莊王

管仲爲相，作內政以寄軍令，北伐山戎，南伐楚，救邢復衛，九合諸侯，一匡天下，桓公薨，宋襄、晉文、秦穆、楚莊相繼爲盟主，世稱之曰春秋之五霸。

宋襄公五霸中之最弱者，嘗受桓公之遺託，立齊孝公，一時握中國之牛耳，後與楚戰於泓，敗績而傷，於是晉文公代霸中國。

晉文時，周襄王被逐於狄人，文公乃先逐狄，奉王復位，以示尊王攘夷之實，次伐楚以救宋之圍，大敗楚人於城濮。山東曹州府遂會諸侯於踐土。

河南開封府

方是時，秦穆公舉百里奚。蹇叔等修內政，用由余略西戎之地，遂朝西戎，與晉東西相對峙，屢交兵而互有勝敗。

及穆公薨，晉稍免西顧之憂，然不久而楚莊王起，莊王併南方諸國，懷北進之雄圖，滅庸伐宋，伐陸渾之戎，遂進兵洛水，以威脅周，敢使人問

鼎之大小輕重，及其伐鄭，始與晉相衝突，破晉之援軍於邲。河南開封府威振河南。

### 吳越交戰

楚莊王死後七十餘年，楚之東有吳王闔閭，用楚之亡臣伍子胥以伐楚，入其國都郢。湖北荊州府處於其宮，楚之威勢，一時頓挫。

吳之南有越王句踐，與吳不合而襲其虛，吳越交戰，爰開端緒。闔閭伐越，敗死於槁李。浙江嘉興府至其子夫差大破越軍於夫椒。江蘇無錫縣遂入越。

於是句踐使大夫種行成，屈從於吳，苦身焦思，用范蠡鍊兵，經二十年而滅全吳，致貢於周元王，王命爲伯。

### 第五節 戰國

### 戰國七雄

戰國者，春秋以後，至秦一統二百六十年間之總稱。五霸時，大義名分尙未墜地，自春秋末世巨戰國，不啻諸侯相吞噬而已。諸侯之臣下，篡奪其主家者亦不少，晉奪於韓、魏，趙三氏齊奪於田。

燕趙韓魏  
齊楚秦



氏春秋時強國之存者僅有秦。楚。燕。三國。合齊。韓。魏。趙而稱七雄。其餘魯。衛。宋。鄭。雖尚有封土。不足以敵七國矣。

**秦之強盛** 斯七雄者。互相交兵。以圖侵略疆土。然諸侯力相當而無統一之者。楚之領土雖大。自有吳之侵。國勢大創。未能復莊王之舊。獨秦承穆公之餘業。至於孝公。山東諸侯。皆以夷狄遇之。不得與中國會盟。於是孝公發憤脩政。用商鞅以講富國強兵之術。定變法之令。將有併吞山東諸國之勢矣。

**合從連衡** 於是山東諸侯皆恐怖。蘇秦乘之而唱合從之說。先見燕文公。說與趙從親之利。次赴趙而見肅侯。說趙燕韓魏齊楚六國。相合從以擯秦爲急務。肅侯聞而大喜。厚賜蘇秦。更使遊說諸國。蘇秦乃順次歷韓魏齊楚四國。遂全從約。於是蘇秦爲從約長。并相六國。秦聞之而大懼。翌年以謀欺齊魏而使伐趙。肅侯讓蘇秦。蘇秦奔燕。從約皆

孝公用商鞅

蘇秦

解。

張儀

時張儀仕秦。講連衡之策。先破楚。趙。韓。魏。燕之聯合軍於函谷關外。河南靈寶縣以示秦之威力。尋出相魏。使魏王事秦。次設詭計以說服楚。

懷王更誘韓。齊。趙。燕。使連衡而事秦矣。

**秦之一統** 張儀之連衡。亦以其翌年破。自後山東諸侯。或合或散。或自相攻擊。爭戰無已時。燕趙二國。更蒙夷族之侵寇。秦因而連年用兵。拓地於山東。至昭襄王立。將白起。相范雎。用遠交近攻之策。頻伐楚。韓。魏。趙。

昭襄王

周亡

呂政

時周赧王懼秦。與諸侯約從。欲伐秦。秦直進兵滅之。尚有東周之惠公。後七年亦爲秦所滅。周自武王至是八百七十餘年而亡。秦經孝文。莊襄二王。爲政之治世。秦本嬴姓。或云政。實姓呂氏。卽位十七年滅韓。十九年滅趙。二十二年滅魏。二十四年滅楚。明年滅燕。又

明年滅齊，始上帝位，自號曰始皇帝。

## 第六節 三代之學術

古文

文字及學制

古文爲黃帝時蒼頡所作，形似蝌蚪，故亦曰蝌蚪文。先是時雖云伏羲畫八卦作書契，未成文字之用。中國學術之曙光，實可謂現於黃帝之世也。

三代學校

大小篆

經五帝而入三代，學校大興。夏設東序、西序、股、置右學、左學。周建大學，曰辟雍。其次有庠序，上下皆盡力於教育。自周初文運鬱然而興，迨至春秋以後，全得言論之自由，學者各吐新說，所謂諸子百家者，雜然而競起。又如文字，至周宣王時，史佚作大篆，後至秦李斯作小篆，程邈作隸書。

孔子

儒學及諸學派之興

儒家以孔子爲祖。孔子，魯人，名邱，字仲尼。孔子之學，以仁爲道之要，祖述堯舜，憲章文武，集道之大成，後世莫不

孟子  
老子

宗之。嘗爲魯司寇，攝行相事，數月而效，後不果用。周遊列國，慨王道之衰，熱心於濟世。至老，知道終不行，乃不求仕，退修詩書禮樂。因魯史以作春秋。弟子蓋三千人，身通六藝者七十二人。孔子沒，弟子因遺言以著魯論，至孫子思作中庸。孟子又繼之，而作孟子。

對儒家而表南方之學者，有道家。其祖卽楚之老子。老子之學，全與儒異，排仁義禮樂，以無爲自然爲根本主義。著道德經五千言。老子死，列子。莊子一人繼起，祖述老子，風動一世。餘響及秦漢二代。

此外有墨家、楊家、法家、名家等。墨家，墨子所開，唱兼愛之說。楊家，楊子所開，主張自愛。法家，申不害、韓非等所唱，專以法術爲治國之道。名家，弄詭辯以說服人。公孫龍其最著者。

## 第二章 秦漢時代

### 第一節 秦

立郡縣

中央集權

焚書院儒

楊法抑書

匈奴

萬里長城

征南越

項羽  
劉邦

沛公入關

始皇帝始皇帝并六國而上帝位都咸陽府陝西咸陽縣內置太尉掌兵丞

相行政御史大夫監察等官分天下為郡縣郡置守尉監不置諸侯聚大

政於一身蓋秦以用武統一紛亂之天下故其政治不得不為中央集

權收天下兵器銷為鐘鐻金人置宮庭中徙天下豪傑於咸陽十二

萬戶一法度衡石丈尺大營宮室自以為帝王萬世之業也

帝燒詩書百家語惟存醫藥卜筮種樹之書阮諸生四百六十餘人於

咸陽嚴行禁令有敢偶語詩書者棄市以古非今者族欲學法令者以

吏為師蓋當時承戰國之餘習學者各主家說互相排擠儒生尤以保

守主義與秦之改革為反對帝欲圖思想界之統一故揚法術而抑滅

儒學也

當時有曰匈奴者威振北方為土耳其人種周曰獫狁侵秦趙二國之

北邊嘗被大擊於趙之武靈王仍屢有南侵之勢帝命蒙恬發兵三十

萬征之悉收河南地府甘肅寧夏修築萬里長城周未燕趙秦三國皆於其北境築長城以防胡

帝復連絡之使大成也

秦之國威雖北振於陰山以外南方尚有屈印度支那種之南越頗擾邊境帝征之置桂林南海象郡三郡即今之兩廣安南也徙民五十

萬守之

羣雄蜂起

始皇東巡崩於沙邱府直隸順德縣時太子扶蘇北監蒙恬

軍李斯趙高矯詔殺扶蘇蒙恬立少子胡亥為二世皇帝二世信任

趙高嚴法峻刑民不聊生羣雄蜂起於各地陳勝吳廣興兵於朝安陽

府宿而徇趙魏之地項梁項籍字羽起兵於吳府江蘇蘇州府擁立楚懷王劉

邦起於沛府江蘇徐州府田儋起於齊

將軍章邯奉二世命伐魏而殺田儋項梁遂進兵入趙項羽大破之

於鉅鹿府直隸鉅鹿縣章邯降於是羽為諸侯之上將軍懷王尋命沛公府陝西

入關曉關在西安時趙高弑二世公子嬰在位而誅高沛公至霸上霸水在霸上

城在西安子嬰降於軹道旁秦自一統至是僅十五年而亡沛公與秦父

老約法三章殺人者死傷人及盜抵罪除秦苛法

楚漢之爭初懷王與諸將約先入關者王其地則沛公當王關中

時項羽亦定河北嫉沛公功破函谷守兵進至鴻門府陝西西安沛公會

之幾為所殺用張良計得脫羽西屠咸陽發始皇帝冢殺子嬰燒秦宮

室火三月不滅乃引兵而東大封諸將三分關中封秦降將以漢中西陝

王劉邦為漢王與沛公為漢王自立為楚霸王都彭城府江蘇徐州

韓信

漢王怒羽之負約欲攻之因蕭何諫養民致賢以待時會之至拜韓信

為大將還定三秦鎮撫關外父老羽時弑義帝楚懷王於江中漢王乃至

洛陽為義帝發喪告諸侯討羽大敗於睢水南彭城收敗軍退與羽相持

垓下之戰

於滎陽府河南開封成皋開封蕭何居關中轉漕調兵別使韓信定

## 第二節 漢之初葉

高祖之內政

仍秦之舊

作朝儀

參用封建

高祖起布衣豁達大度知人善任五載而成帝業西

都關中制度法律仍秦之舊不甚行改革誅三族禁挾書等之苛法

尚存焉叔孫通作朝儀亦多用尊君抑臣者

帝懲秦郡縣之制孤立而蚤亡乃再興封建以參用秦之遺制剖符封

功臣然於創業諸臣或高其位次而少封戶或以同族諸侯交錯其間

以控制之不六七年異姓諸侯王之遭其忌者誅除殆盡其地悉封宗

族

漢初之外交

匈奴

匈奴乘秦末之亂漸南侵自冒頓單于單于匈奴冒頓

受園白登

其名也之立兵威益強東破東胡西逐月氏南悉復蒙恬所奪故地遂寇

燕代圍馬邑

在大同山西及晉陽原山西太

於是帝親征至白登

同山西大受敵

重圍不能得志乃從劉敬策與之結婚

嫁女匈奴

漢初諸帝孰敢不守高祖之政策而構事於北匈奴傲大及高帝崩送無禮之書於呂后其後屢入寇漢尚忍之嫁宗室之女於單于

南越稱帝

次言漢初之對南策秦末有南海郡之尉趙佗起併桂林象郡而自稱南越王既而高祖一統天下不遑南征僅遣使册封以羈縻之佗益專恣呂后時稱南武帝至文帝時雖慰諭而使去帝號實權依然在佗也

呂后稱制

呂氏之變

高祖后呂雉高祖時頗預政殺功臣韓信彭越至惠

帝即位多病不聽政權實在后惠帝崩遂臨朝稱制者八年封諸呂爲王政權盡歸呂氏一族帝位亦將爲其所有也及后崩齊王襄發兵討呂氏內而陳平周勃朱虛侯章合謀誅滅諸呂於是諸大臣迎立代

王恒卽位是謂文帝高祖之中子也

七國之反

文帝之世最稱富庶除肉刑除田租恭儉慈惠務以德

削諸國地

化民有刑錯之風然以代王入承大統諸王多不重之有漸肆專橫而懷異志者賈誼極陳諸侯之強大難制鼂錯亦勸帝宜削諸侯帝從之分齊爲六分淮南爲三令各分封其子弟及景帝立錯更勸帝削趙

楚膠西三國

殺鼂錯

斯時鼂錯之策雖一時奏功尋及削吳吳王濞遂舉兵起事與膠西膠東菑川濟南楚趙六國通謀以討鼂錯爲名帝急而殺錯於是周亞夫率三十六將軍討平之痛殺諸侯以絕後禍自是以後留列侯於京師不使就國別令國相治之以食租衣稅而已雖有王侯之名實則全國爲郡縣之制矣

### 第三節 孝武帝



東洋一偉人

敘財新法

學界統一

武帝之事業 武帝承文景富庶之後，濟之以雄才大略，內興文教，大開後世之思想界，外出遠征之師，以拓地於四方，且始遣使西域，爲中國外交上之重點，論其事功，非第極一時之盛，實東洋史上之一偉人。

惜內多欲，信用方士，侈營宮室，求神仙，行封禪，加以頻年用兵於外，以致國用不給，府庫空虛，用孔僅、桑弘羊等行斂財新法，使民得納錢買官爵及贖死罪，禁民鑄錢煮鹽，收爲官業，設均輸之法，以奪商賈之利，諸爲敝政所由起。

儒學之興 惠帝除挾書之禁，文帝益廣遊學之道，然當時承秦之餘勢，學者皆尊黃老之術，儒學微而不振，武帝大好儒學，納董仲舒及衛綰議，悉排他諸學派，親策賢良，令郡國舉孝廉，興大學，置五經博士，時河間王及淮南王皆好學，多得先秦遺書，於是學派統一，儒者始握

學界之大權，出董仲舒、孔安國等大家，而文辭亦與之共進，出司馬遷、司馬相如等。

衛青

霍去病

南越 東越 東甌

征討匈奴 文景以來，匈奴益驕恣，常爲漢之大患，帝專意討之，先欲以謀誘擊軍臣單于，至中途而謀破，單于侵寇愈甚，帝乃將衛青、悉畧河南之地，置朔方、五原二郡，尋遣霍去病取今之甘肅地而置武威。酒泉二郡，後乘匈奴稍衰，更遣二將出漠北，青至闐顏山，去病至狼居胥山而還，於是匈奴始屈於威勢，遠遁於北，漠南無王庭。

滅南方諸國

當時南方有南越

廣州

東甌

閩越

福州

東甌

浙江

溫州

溫州

三國，東甌先被閩越所攻，移其民於江淮之間，後閩越有內亂而東越興其地，及南越相呂嘉謀反，東越密與之通，帝遣楊僕等討滅南越，尋下東越，於是東南之地悉平。

經營西南夷

西南夷者，在今雲南四川貴州等處夷人之總稱，其

衛氏朝

中夜郎。滇。邛。笮。冉駹等爲最大。帝遣唐蒙。司馬相如。張騫等次第經營其地。遂滅諸夷。以其地爲七郡。

### 征服朝鮮

周武王封箕子於朝鮮。大約領今盛京東部及黃海以北之地。子孫相承。四十一世而至準。時當秦末中國大亂。燕人衛滿亡命。率國人千餘赴其地。遂襲箕準而開衛氏之朝。至其孫右渠。殺漢武帝之使者。帝遣楊僕。荀彘。公孫遂等征服之。分其地爲真番。東部。及

平安道 臨屯 道 江原 樂浪 黃海道 之南 平壤 玄菟 咸鏡 四郡

### 交通西域

西域者。在匈奴以西諸國之總稱。大小分數十國。舉其

最著名者。蔥嶺以內。惟烏孫。

在伊犁 樓蘭 在甘肅 車師 在新疆 龜茲 等小

國。蔥嶺以外。有康居。大宛。大月氏。安息。身毒。即諸大國。夙有希

臘羅馬之文明。

大月氏

初。月氏爲匈奴所逐。而走伊犁。逐烏孫。而出阿姆河谷。挽回國勢。稱大

張騫使西

月氏。帝欲與之結。共擊匈奴。遣張騫往說之。然大月氏時無報復匈奴之意。騫空行歸國。備陳西域諸國之狀。帝始欲通之。於是張騫奉命欲自蜀路至身毒。不能通。滇。後至匈奴衰弱而北路通。更巡行烏孫。大宛。康居。大月氏。安息。身毒等國。

### 第四節 武帝以後之西漢

#### 昭宣之立

武帝賦斂繁重。百姓多窮而爲盜。晚年頗悔之。下詔陳

霍光秉政

往日之非。昭帝嗣。霍光受遺詔輔政。減賦稅與民休息。昭帝崩無嗣。光以上官皇后詔迎立武帝孫昌邑王賀。淫戲無度。廢之。求武帝曾孫病已於民間。立之。是爲宣帝。及光卒。帝始親政。勵精爲治。綜核名實。吏各稱其職。郡守之有治績者。輒賜書獎勵。故漢代良吏。於斯爲盛。

#### 烏桓之寇

烏桓。蒙古種。周時東胡之後。初據烏桓山。在內蒙古而

臣事匈奴。武帝時內附而爲匈奴之偵察。至昭帝之世漸強盛。西侵匈

奴南犯漢於是匈奴怒而代烏桓霍光恐匈奴之再振出兵斥匈奴尋征烏桓

匈奴之衰 自是匈奴益懼漢宣帝時匈奴伐烏孫帝遣援兵於烏

呼韓邪

郅支

孫尋使常惠等大破之時匈奴國勢日傾五單于相爭不久而呼韓邪及郅支二單于分領之呼韓邪降漢而稱藩臣郅支亦通使於漢後爲甘延壽所殺呼韓邪於元帝時乞婚以宮女王昭君妻之世稱漢甥不復寇邊

西域之服屬 及匈奴衰漢之威令益行於外昭帝時樓蘭通匈奴

西域都護

霍光服之而改爲鄯善宣帝立車師亦反而通匈奴鄭吉征之而屯田於其地尋張奉世討莎車新羅省趙充國平先零海而置屬國於金城於是蔥嶺以內概服漢鄭吉始爲西域都護居烏壘城天山南鎮天山南北三十六國

弘恭石顯

宦官外戚之專權 宣帝死而元帝立以多疾委政於宦官弘恭

石顯等師傅蕭望之周堪頗言宦官不可用遂爲恭顯所讒黜引其黨與威權日盛帝後雖知之而不能制也漢業由是衰

王氏執政

成帝承元帝後用王太后之弟鳳使爲大司馬輔政於是黜石顯等悉廢其黨宦官失勢而政歸外戚矣王氏子弟分據要津郡守國相多出其門劉向屢上封事極言外戚專權反得罪鳳之後王音王商王根相繼執政根又薦其從子王莽代己

王莽篡位 莽有英才抱大志屈己禮賢以收聲望及哀帝崩無嗣

西漢之亡

莽乃迎立平帝而自爲宰輔百官總己以聽其行政一效周制天下學者比之周公多上書頌至四十八萬人尋至平帝五年而弑之立孺子嬰僅三年而復廢之遂自卽帝位國號新

新莽敗亡 王莽既篡漢欲悉變漢制或改職官之名稱或改州縣

變更制度



之境界、或作新田制、或設新稅制、然其政令變更無常、州郡不堪其煩、加以法密賦重、內失信於人民、外失好匈奴及西域諸國、天下騷然而復思漢室矣。

於是豪傑競起而叛莽、赤眉之兵起於莒、青山東省綠林之兵起於荊州、

荊湖北省漢之宗室劉縯、劉秀二人亦起兵春陵、襄陽北省以應之、諸將乃

立漢宗室劉玄卽帝位、以維人望而統一諸軍、秀以步騎千餘破莽將

王尋王邑之大軍於昆陽、河南南陽府威望大震、海內豪傑響應、玄忌秀兄

劉縯而殺之、遣別將破長安殺王莽、莽稱帝十五年而亡、玄遂徙都長

安。

昆陽克捷

### 第五節 東漢之初葉

光武之興 自縯之殺、秀怨甚、惟巧於避難、奉玄命爲大司馬、徇河

北、遂用鄧禹、寇恂等定河北諸地、除莽苛政、復漢官名、諸將勸秀稱

徇河北

皇帝、乃卽位鄯南、直隸趙州尋奠都洛陽、是爲東漢、光武帝、洛陽在長安東、故別之曰東漢。

是時赤眉之兵入長安、逐劉玄、帝遣鄧禹、馮異等、躡赤眉、攻而降之、

黃河南北及關中之地畧定、然時之各據一方不從漢者尙多、公孫述

據蜀、四川隗囂據隴西、甘肅竇融據河西、甘肅盧芳詐稱武帝後、領鄂爾

多斯及山西北部、其餘江淮間、亦多割據者、光武使吳漢、耿弇平東

方、尋使來歙西破隗囂、吳漢等南代蜀殺公孫述、竇融來降、盧芳之地

亦歸漢、又遣馬援平交趾、於是天下一統。

天下既定、乃退武臣而進文吏、首興大學、修禮樂、物色處士周黨、嚴

光等、力獎名節、故東漢學術之盛、節義之多由此始。

明章之治 光武崩、明帝嗣立、亦好儒、親臨辟雍、行大射養老之禮、

諸儒執經問難、圜橋門而觀聽者億萬計、當時吏得其人、民安其業、遠

平定羣雄

力獎名節

親臨辟雍

祠孔子

近畏服及太子章帝立亦尊師重學親祠孔子於闕里山東兗州府曲阜縣尚寬厚輕徭薄賦自光武至章帝末六十餘年海內無事東漢極盛時也

南匈奴  
內附

### 威震匈奴

匈奴爲王莽所輕屢南侵後有凶歲人畜多死亡且爲烏桓所擊遂分爲南北二國南匈奴先內附光武賜以美稷之地既而北匈奴亦致使求和親及明帝卽位使耿秉竇固等與南匈奴及烏桓共擊之北匈奴益衰後至和帝時更爲竇憲所擊

### 西域之交涉

西域諸國亦於王莽時叛屬匈奴及竇固既討北匈奴使其部下班超赴西域超先至鄯善斬匈奴之使者以威服其王尋降于賓疏勒等強國西域皆風靡通好於漢時竇固等亦討平車師漢置都護以鎮之然焉耆龜茲等國尙屬匈奴章帝時陷漢都護府章帝欲召超還絕意西域超請鎮定西域征疏勒莎車龜茲等而大

班超

再定西域

棄西域

釋迦牟尼

阿輸迦王

迦膩色王

蔡愔得佛經

立威名遂爲西域五十餘國都護駐龜茲

後和帝時超在西域三十一年而請老任尙代爲都護守御不得法諸

國並叛遂罷都護棄西域

### 佛教東流

佛教之本國印度其初有婆羅門教所研究皆一切智

識上之事後釋迦牟尼起而新開一教所謂佛教是也殆與孔子同時釋迦念人之不能離生老病死四苦遂出家入山求解脫之法有門弟子數千人布教於中印度各地當周末時有阿輸迦王歸依佛教講布教之術派法師於外國於是大盛東漢之初迦膩色王起深信佛教盡力於派傳教師建堂塔天山南路佛法遂廣

明帝遣蔡愔等求佛經於西方愔等得佛經佛像及迦葉摩騰竺法蘭二沙門還帝建白馬寺於洛陽命二沙門摘譯經文由是僧侶之來者漸多而爲後日宗教上之一大事變矣

## 第六節 東漢之衰世

馬后

外戚與宦官之消長 西漢之天下，自外戚與宦官紛爭而衰，東漢亦復蹈其覆轍，但西漢外戚排宦，而東漢則反之。明帝之后馬氏，賢明好學，頗資內助。章帝時尊為太后，性謙謹，以盛滿為戒，故諸馬雖封侯，迄無禍敗。及章帝寵竇后，諸竇貴盛，傾馬氏，遂開外戚預政之端。其後諸帝多短祚，嗣主幼弱，則母后臨朝，外戚宦官因而干涉政事，東漢之滅亡，實是故也。

鄧衆除竇氏

章帝崩而和帝立，年甫十歲，竇太后臨朝，其兄憲用事，陰殺宗室，以伐匈奴功，專權驕縱。父子兄弟充滿朝廷，帝長知其逆謀，與宦官鄧衆定議，勒兵收憲印，迫令自殺，黜其黨與，封衆為鄧鄉侯。和帝崩，經殤帝而安帝立，年甫十三，和帝后鄧氏之兄騭預政，頗能推賢進士，天下稱之，後為宦官所譏而廢死。

鄧騭

孫程殺閹顯

安帝既黜鄧氏，用閹皇后之弟閹顯。帝崩，后與顯等迎立帝之從弟懿，諸閹擅作威福，是歲懿即卒。宦官孫程等擁立安帝之子，是為順帝，收諸閹殺之，遷太后於離宮。宦官封侯者十九人。

單超滅梁氏

順帝長，以梁后之父商為大將軍，商卒，其子冀代之，縱暴自恣，姻族滿朝。順帝崩，經沖帝而至質帝，梁冀嫉其聰慧，毒而殺之，立桓帝。冀凶恣日積，秉政十九年，威行內外。桓帝與宦官單超等謀殺之，梁氏無少長皆棄市，超等五人封侯。於是天下大權悉歸宦官矣。

清流之士

黨人之獄 黨人者，宦官所名之惡稱，其實尚氣節，欲抑宦官之專橫，而為清流之士也。自光武獎勵名節，歷朝紹其志，遂致一代風尚。桓帝時，李膺、陳蕃等為首領，激揚氣節，指斥宦官，大學諸生三萬餘人亦因之而可否國政，褒貶朝臣。宦官憚之，誣奏於帝，捕黨人二百餘下獄，尋赦歸田里，禁錮終身。

竇武謀誅宦官

黃巾賊

袁紹殺宦官董卓行廢立

王允誅卓

曹操

膺等雖禁錮而名聲愈高海內之士皆以列名黨人爲榮桓帝崩而靈帝立竇太后之父武爲大將軍引陳蕃李膺等列於朝乘勢欲謀殺宦官曹節王甫等謀泄宦官誣以大逆殺膺蕃等百餘人武亦自殺又以他隙處罰者六七百人

東漢之亡如斯朝政日非鉅鹿之張角乘之而作亂是謂黃巾賊

雖未幾而黃巾賊平外權漸重天下益動搖遂爲群雄爭奪之代

靈帝崩而皇子辨立何太后之兄進與袁紹謀誅宦官召將軍董卓之兵於河東謀泄宦官殺何進袁紹集禁兵捕宦官盡殺之及董卓入京廢帝辨立其弟獻帝欲擅威福袁紹出奔冀州檄天下討卓關東州郡皆起兵卓挾獻帝西遷長安燒洛陽宮殿發諸陵塞關拒守未幾王允以計使卓之養子呂布誅卓卓之餘黨復起而殺允獻帝逃歸洛陽時關東諸將各據一方力事兼并獻帝至洛陽曹操奉至於許河南許州遂

赤壁之戰

關羽

挾天子以令諸侯威勢頓大先滅呂布袁術尋破袁紹於河北於是統一河南北有併吞天下之勢出大兵南征劉表子琮以荊州降

先是劉備以討黃巾賊起與其將關羽張飛等流寓四方後至襄陽湖北

府得名士諸葛亮時爲操兵所迫亮勸備求援於東吳孫權權遣周

瑜與備共拒操於赤壁湖北武昌縣東北用火攻大破之操僅以身北還江

南之地多歸於吳

其後劉備取巴蜀漢中地自守之留關羽於荊州使當曹孫二氏之衝孫權與曹操結而攻殺關羽而漢室之滅實在其翌年

## 第四章 三國兩晉南北朝

### 第一節 三國

#### 三國之興起

三國之中魏自曹操時名爲漢相已握天下之實權進魏王加九錫甚至弑皇后及皇子帝亦不知命在何時操尙憚世之

魏文帝

漢昭烈帝  
吳大帝  
三國之鼎立

白帝城

耳目不稱帝，至子不始迫獻帝而受其禪，即魏文帝是也。

於是劉備以景帝子中山靖王之後，亦於翌年稱帝於蜀，以繼漢後，是為昭烈帝。孫權更經八年而為吳大帝。

魏都洛陽，領江北十一州。吳都建業，

江蘇府

領江南四州。蜀漢都成都，

四川府

領梁益二州，所謂三國之鼎立是也。

### 吳蜀之交戰

昭烈帝既即位，欲報吳殺關羽之仇而入吳，攻守六

月，遂為吳將陸遜大破於夷陵。

湖北宜昌府

僅得遁入白帝城，

篤而崩，丞相諸葛亮奉遺命輔後主嗣位，通好於吳。吳蜀相應以當

四川府

病

魏。

### 吳魏之交戰

魏文帝怒吳之絕好於魏，遂出南伐之師，親率之以

擊吳。吳列艦於江以拒之。江水盛長，魏帝不能得志，乃旋師。明年又發

大軍臨江，復會江水漲溢，波濤洶湧，不戰而還。

### 蜀魏之交戰

魏文帝尋崩而明帝承之。漢之諸葛亮先平南夷，

南夷

遂率諸軍北伐魏，臨發上表，陳出師之由，告後主以政治之要，

漢軍攻祁山，

甘肅府

西諸郡多應之者。魏遣張郃拒之。漢將馬謖

違亮節度，大敗，乃還漢中。後圍陳倉，

陝西鳳翔府

而糧食盡，更圍祁山而復

窮於糧。於是亮收兵勸農，經三年而復伐魏，分兵屯田，為持久計。且約

吳共伐魏。魏明帝自將以却吳師，遣司馬懿西拒亮。亮與懿對峙五丈

原，

陝西鳳翔府

至百餘日，亮病死軍中，漢軍乃還。

### 魏之東征

遼東之地，自漢末為公孫度所併，其子康伐高句麗，

朝鮮京北東邊

而勢漸強。孫淵稱燕王，通吳以寇魏邊境。明帝命司馬懿合

### 司馬氏之統一

魏諸帝多刻薄，疎骨肉，不任外戚，為權臣篡奪之

基。司馬懿有軍功而漸振威權。明帝崩，懿與曹爽同受遺詔輔太子芳



司馬師

司馬昭

蜀漢亡  
魏亡

吳亡

帝之封

立懿殺爽而自專國政，懿死，子師執政而廢帝芳，迎立明帝姪髦，師死，弟昭襲職封晉公，帝髦見威權日去，謀誅昭，反爲所弑，昭迎立文帝之姪奐，是爲元帝，而實權悉在司馬氏矣。

時蜀將姜維妄出兵侵魏，竭外力，後主任用嬖臣，國政內亂，昭遣鄧艾、鍾會等率大軍代蜀，遂陷成都，後主出降，於是昭進晉王，及子炎嗣，遂篡元帝之位，是爲晉武帝。

其時吳自大帝三傳而至帝皓，內行暴政，外有交趾之亂，國力衰耗，幸有名將陸抗，晉不敢薄之，及抗死，武帝使杜預、王濬等渡江伐之，直入建業而皓降，由是晉遂一統天下矣。

## 第二節 晉及五胡之亂

### 八王之亂

晉武帝鑑魏之孤立而蚤亡，封同族數十人於諸要地，以爲帝室之屏藩，是他日諸王跋扈之所由起也，而帝初頗注意國政，

賈后暴戾

及平吳以後，內耽淫佚，外徹州郡武備，謂天下無事，置國政於不顧，及子惠帝嗣，愚闇不解事，賈皇后暴戾專國政，弑太后楊氏，殺楊氏之父驥，及汝南王亮。楚王瑋，又以太子適非己出，亦廢殺之，於是趙王倫勒兵入宮而殺賈后，自稱皇帝，齊王冏、成都王穎、河間王顒、長沙王乂，共舉兵討倫而殺之，惠帝復位，冏握大權，乂舉兵殺冏而代之，穎與顒合兵破乂而代之，東海王越又起兵逐二王而代之，此十六年間，骨肉相殘，前後八人，世謂之八王之亂，屏藩全壞，從此有五胡之亂矣。

**清談之流行** 兩漢時，實爲儒學全盛之時代，學者皆盡力於註釋經書，且多尚氣節，至魏晉之際，亟矯其弊，於是佛、老之學起，遂開玄妙虛空之清談，專尚與時浮沈，以保一身之安全，山濤、王衍、王戎、樂廣等最著名，朝野翕然，殆無一人憂國事者。

### 五胡之亂

兩漢時疆域廣大，因之塞外諸族，徙居內地者漸多，迄

劉淵

石勒

李雄

慕容廆

拓跋祿官  
姚弋仲

劉聰

劉曜

東晉興

魏。晉之際，其中以匈奴。鮮卑。氏。羌爲尤大。

匈奴劉淵，惠帝時受命爲五部大都督，及晉室亂，據左國城。山西永濟州

而稱漢王，以其先世曾與漢爲婚也。時又有石勒者，起自上黨。山西安府

而投淵，勒，羯人，羯即匈奴之一部也。既而氏人。氏種，伯李雄據成都而

稱成王，鮮卑之慕容廆據大棘城。盛錦州，遼東而稱大單于，其同種拓跋祿

官據上谷之兆而稱可汗，尋羌酋。伯羌，特種姚弋仲起自南安而曰扶風

公。

西晉之滅亡 既而劉淵稱帝，遷都平陽。山西平陽府遣子聰及石勒等

寇晉，晉東海王越拒之，淵死，聰即位，更遣石勒。劉曜。王彌等攻晉，時

晉惠帝弟懷帝在位，東海王越徵兵，四方無至者，漢兵遂入晉都洛陽，

執懷帝，帝從子秦王業得報，即位長安，是爲愍帝，復爲劉曜所攻，出降，

西晉以亡，是時司馬懿曾孫瑯琊王睿鎮建康。即建康聞懷愍二帝沒於

賊，遂即帝位，保江南之地，是爲東晉元帝。

趙之興亡 漢之劉聰死後，劉曜承位而都長安，改國號曰趙，即前

趙是也，然石勒與曜有隙，別立後趙，據襄國。直隸府而頻侵前趙，遂全

滅之，振威於北方，氏王蒲洪。羌酋姚弋仲等皆降之，勒死，子虎立，移

都於鄴。河南彰德府北伐慕容皝而大敗，南侵東晉，亦不得志，西征涼王張

駿而又敗，國勢大傾，無由挽回，及虎死，遂爲其將冉閔所篡。

苻秦之興 於是蒲洪改姓苻而自稱三秦王，至子健入長安稱帝，

國號秦，時慕容氏都龍城而稱燕王，拓跋氏入雲中而稱代王，涼奄有

河西之地，健死子堅嗣，秦益強，遂滅燕。涼。代三國。

### 第三節 東晉盛衰及後魏之興

東晉權臣 東晉元帝即位建康，舉王導執國政，以其從兄王敦統

兵事，王氏子弟羅列顯要，帝優柔寡斷，專依王氏，既而惡之，欲抑其權，

王敦

苻健

苻堅

前趙

後趙

蘇峻

桓溫

謝安

謝玄

淝水之役

敦遂舉兵武昌、逼建康、官兵拒之、大敗、帝憂憤死、明帝立、命王導討敦、平之、明帝死、成帝嗣、庾亮與王導輔政、歷陽太守蘇峻以討王敦有功、素輕朝廷、庾亮欲收其兵權、峻遂舉兵犯闕、賴陶侃入援斬之、成帝後經康帝而至穆帝、桓溫統軍事、遂西入蜀、建即之漢李雄所一舉而陷成都、欲乘勢定中原以篡晉、北代秦、時秦苻健守長安、溫不能拔、乃東代燕、燕慕容氏方滅冉閔、都鄴而稱帝、大破晉軍於枋頭、河南衛輝府自穆帝時、桓溫北伐、經哀帝而至帝奕、敗還建康、廢帝奕、立簡文帝、以張權勢、簡文死、孝武帝嗣、溫頻諷朝廷禪位、王坦之、謝安等、故緩其事、尋溫卒、謝安為相、舉姪謝玄守荆、揚之地、秦苻堅此時已統一江北、遂欲與晉決雌雄、率戎卒六十萬騎、兵二十七萬、南征逼晉、晉將謝石、謝玄等督衆八萬、大破之於淝水、安徽鳳陽府堅僅以身免、狼狽還長安、

拓跋珪

桓玄之叛

劉裕篡晉

十六國

### 後魏興起

西燕 慕容 後秦 姚萇 後凉 呂 等諸國繼起

自苻堅敗歸、未幾被弑、江北亂如麻、西秦 乞伏 後燕 慕容 拓跋珪亦恢復舊土而稱代王、尋改國號曰魏、史別之曰後魏、遂都平城而稱帝、即後魏之道武帝是也、

### 東晉之亡

東晉自肥水之役、氣漸驕、內政紊亂、孝武帝崩、安帝立、

孫恩乘之作亂、桓溫子玄負門第、舉兵屢反、卒篡帝位、時彭城有劉裕者、先討孫恩而著威名、次起名誅桓玄、奉帝復位、遂都督軍事、更滅南燕及後秦而封宋王、遂受恭帝之禪而即帝位、是為南朝之宋武帝、晉自太祖武至此、凡十五世百五十六年而亡、

### 江北之統一

自西晉末、塞外諸族之擾亂內地、凡百三十餘年、其

間大國之興亡者、凡十六國、以人種言、則有五種、故曰五胡、自後魏道武之始稱帝號也、江北南燕、慕容 北凉 沮渠 南凉 秃髮 西凉 李 大夏 赫連



五國

魏太武

王仁至日本

魏太武南征

宋蕭道成篡

魏文帝

勃北燕跋馮等國互事攻伐、且北方有柔然拓跋併蒙古之地、西方有吐谷渾吐谷渾之併吞氏、光宋興時、塞內諸小國皆滅亡、僅剩後魏、大夏、西秦、北燕、北涼、五國而已、

既而後魏之太武帝出、其兵益強、頻破大夏、大夏西遁、滅西秦、滅北燕、北涼二國、且擊退吐谷渾及柔然、北方之地、全歸魏之治下、於是天

下分爲南北兩朝、自宋居江南爲南朝、魏居江北曰北朝、

儒佛之東流

海東於此時有高句麗、百濟、新羅三國相鼎峙、今均在

鮮朝與中國交通、高句麗傳中國之文學最早、創立大學、百濟亦自此時

漸傳記錄之法、尋遣王仁等至日本、獻論語及千字文於日本之應神帝、

佛教自苻秦傳於高句麗、後經十二年別自東晉傳於百濟、高句麗更傳之新羅、百濟獻之於日本、

#### 第四節 南北朝

宋魏之交戰

宋武帝崩而至文帝立、國勢稍振、得與後魏相對峙、

乘魏之伐柔然、遣王玄謨侵魏、取碣磬

在平山縣東南

進圍滑臺、魏太

武帝破柔然還、大舉南征、衆號百萬、蹂躪宋之江北六州地、至揚子江而還、殺掠不可勝計、

南朝齊興

自是宋大衰、經三傳至明帝、復與魏交兵而大敗、內多

殺戮宗室、屏藩盡壞、時有蕭道成者、屢立戰功、進相國、封齊公、受明帝

遺詔、輔太子劉昱、尋弑昱而立其弟順帝、遂受順帝之禪、是爲齊太祖

高皇帝、

魏齊之交戰 時魏文帝在位、仁孝好學、頗慕中國之文化、自平城

遷都洛陽、改國姓爲元、自政事文學以至風俗、一模中國之風、禁胡語、胡服、國勢日盛、時齊反之、明帝蕭鸞行弑而自立、魏文帝鳴其罪而伐

蕭衍篡齊

之、然不得志、還師、齊之明帝死、國內大亂、梁王蕭衍、遂迫和帝使讓位、是爲梁武帝、

爾朱榮

### 後魏之分裂

魏自文帝崩、宣武帝繼位、國政寢亂、帝崩、至孝明帝

高歡

宇文泰

立、胡太后用事、紀綱大紊、尋與明帝不協而殺之、於是有爾朱榮者、以清君側爲名、入洛陽、弑胡太后、立孝莊帝、陰蓄不臣之志、帝手自誅之、榮族並叛而弑帝、鎮將高歡討平爾朱氏、立孝武帝、而自居晉陽、山西太原

府尋與帝生隙、擁兵入洛陽、孝武帝出奔長安、依關西大都督宇文泰、

西魏曰歡別立孝靜帝於洛陽、後移於鄴、東魏之魏由是分爲二、雖仍其國

號、實則高與宇文二氏之天下矣、

### 梁之衰亡

自有後魏之內亂、南朝梁久無北顧憂、至武帝末年而

侯景之亂

有侯景之大亂、初景自東魏降梁、封河南王、已而武帝與東魏和、景疑懼、遂起兵陷建康而困帝、帝憂憤死、景立其子簡文帝、三年而弑之、立

湘東王繹

後梁

陳霸先篡梁

周滅齊

楊堅篡周

隋廢後梁滅陳

武帝曾孫棟、尋又廢之而自稱漢帝、於是湘東王繹遣王僧辨、陳霸先二將討景、平之、稱帝於江陵、是曰元帝、時武帝孫蕭詧據襄陽、爲繹所迫、求救西魏、宇文泰乘之取梁之巴蜀地、尋又擊梁、殺元帝、立詧於江陵、是爲後梁之宣帝、實則西魏之屏藩而已、

元帝之死也、王僧辨、陳霸先相計奉元帝子蕭方智爲梁主、會北齊發兵納蕭淵明、僧辨更迎之、霸先乃殺僧辨、方智立、是爲敬帝、霸先爲相國陳公、敬帝立三年而霸先篡位、是稱陳武帝、

### 南北之統一

先是東魏高歡之子洋篡帝位、而稱北齊、梁亡之明

年、西魏宇文泰之子覺篡西魏而稱北周、其後周與突厥北周及陳

通而侵齊、遂全滅之、統一北朝、如此周與陳相對峙者數年、其間周之外戚楊堅漸積威勢、而爲相國隋王、遂篡周室、是爲隋文帝、文帝卽位欲統一南北、先伐突厥而除北顧之患、次廢後梁而合其地、

時陳自武帝後四傳至後主叔寶，淫佚奢侈，民心離貳。文帝遂出兵一舉而滅之。自晉以來之分裂，至是始歸一。

## 第五章 隋唐時代

### 第一節 隋

戶口大增

文帝之勤儉 文帝頗有治才，既一天下，用意內治，所定刑法官制，多爲唐代制度之根源。爲後世所遵行，且親行勤儉，以撫愛下民，人民皆脫積年之衰弊，其初戶口不滿四百萬，末年及九百萬，而府庫亦有餘裕。

弑父殺兄弟

初，帝以事廢太子勇，立次子廣爲太子。及病，知廣之不足付大事，將召勇，廣遂弑文帝而卽位。是爲煬帝。殺故太子廣及弟漢王諒，視天下無所忌憚。

煬帝之奢侈 煬帝以長安爲西京，以洛陽爲東都，造宮室苑囿於

開運河

各處，求珍禽嘉木於四方，且開通濟渠。自河南府至河淮，揚永濟渠，今名衛之河，卽河山。江南河，卽今浙江，運河。以供南北巡遊之便。自長安舟行達

江南，置離宮四十餘所，每歲役百萬之民，費鉅萬之金，民甚苦之。

時隋之國威振四境，東突厥此時突厥分東西二國自國初臣服，日本遣使來修

交親，帝慕漢武之跡，屢出師遣征，西破吐谷渾，南定林邑，安南之南部東南

征四方

伐琉球，東北征高麗。

高麗之役，前後三次，而時互四年，費糧食而喪士卒，殆難數計。從此民

力全消，羣盜蜂起於各地。

隋之滅亡

林士弘據江南，江西而稱楚帝，竇建德據漳南，山東而

稱長樂王，李密據河南，河南而稱魏公，劉武周據馬邑，山西而稱

定陽可汗，梁師都據朔方，而稱梁帝，李軌據河西，甘肅而稱涼王，蕭銑

據江陵，湖北而稱梁王。

群雄割據

李淵

李世民

時唐公李淵奉詔討突厥，戰不利，恐得罪，其子世民聰明有大志，際此隋室大亂，勸父舉兵。淵從之，遂起兵太原。山太原府借突厥之援，直進長安而立恭帝。時煬帝在江都遙尊煬帝爲太上皇，淵自爲大丞相。唐王，尋受禪，卽帝位，是爲唐高祖。

### 第二節 唐之創業

宇文化及  
弑帝

平定群雄

秦王世民，高祖卽位，封世民爲秦王，委以兵馬之全權，使討羣雄。時煬帝尙在江都。江蘇揚州淫荒益甚，聞中原已亂，無心北歸，從駕多關中人，思歸，遂謀叛。許公宇文文化及爲主，弑帝而西，尋自稱許帝。王世充聞煬帝死，奉東都留守越王爲帝，尋亦廢之，而自稱鄭帝。已而李密破王世充而降於唐，竇建德滅許而稱夏帝，沈法興陳、李子通江二人亦新起而各稱帝王之號矣。唐遣人詐仕涼主李軌，襲執以歸而殺之。河西平，是時劉武周最強，取

殺建成元  
吉

唐河東諸州，世民督諸將大破之，武周走死，移軍擊鄭，鄭求救於夏，世民圍洛陽，夏帝竇建德救鄭，世民大破擒之，鄭帝王世充出降。於是河南北之地悉定，尋遣將而南，降梁平楚，其餘皆不及刃而亡。江南亦平，惟朔方梁師都尙存，後數年亦平定之。

初高祖之長子建成爲太子，而唐之初起及平定天下，皆世民功，勳望日隆，建成與弟元吉忌之，致爲世民所殺。世民遂爲太子而受高祖之禪，是爲太宗皇帝。

貞觀之治 太宗卽位，用杜如晦、房玄齡、魏徵。王珪諸名臣以脩

內政，李世勣、李靖等掌軍事，內立三省。中書省、門下省、尚書省六部。吏、戶、禮、兵、刑、工分

天下爲十道。關、內、河、南、江、南、劍、南、山、南、西、南道下有州，州下有縣。定祖。唐

調三稅。租、田、稅、庸、口、稅及五等之刑。流、死、徒、杖立府兵之制，備興學校於京

鄙，以獎勵諸種學術。東西諸君長，多遣子弟入學者，且戒奢靡而慎刑

東突厥

西突厥

安西都護

燕然都護

法海內昇平、道不拾遺、是稱貞觀之治、貞觀者、太宗治世之年號也。  
**討平突厥** 突厥興於南北朝、其末年分東西二國、隋末東突厥最強、竇建德、劉武周、梁師都、李淵等諸雄皆執臣禮、後有頡利可汗與姪突利可汗共率兵寇幽州、又大舉迫京郊、既而突利與頡利有隙而朝於唐、太宗遣李世勣、李靖擊頡利而擒之、置其降衆於幽州、靈州之間、西突厥時有內亂、太宗使侯君集、高侃二人伐之、後高宗時更遣蘇定方擒其可汗、悉收其地、而置濛池、崑陵二都護府。  
**降服諸夷** 當太宗討平突厥、奚、室韋、高昌、吐蕃、康國、林邑諸國皆入貢、吐谷渾、薛延陀二國尚持強寇邊、尋吐蕃寇松州、高昌塞西域貢道、太宗遣段志玄征吐谷渾、侯君集討吐蕃、高昌、李世勣伐薛延陀、於是黨項、伊吾、回紇等來貢、乃置安西都護府於高昌之地、置燕然都護府於四紇之南、以治諸國。

### 征伐海東

太宗東征

滅百濟

敗日本

滅高麗

初新羅獨與唐善而通聘、百濟與新羅有宿怨、屢侵其邊城、又與高麗協力伐之、新羅告急於唐、太宗以計調和之、高麗不奉命、太宗大怒東征、親赴遼東、降白巖城、圍安市城而還、後高宗時、百濟更與高麗侵新羅、新羅再告急於唐、於是高宗遣蘇定方與新羅共伐百濟、遂陷其都城而降其國王義慈、既而其故將福信等乞援於日本、圖恢復、日本救百濟、唐將大破日本軍於白江口、百濟全亡。

高麗之權臣蓋蘇文卒、其子不和、國內大亂、高宗遣李勣攻陷平壤、其王寶藏出降、全滅高麗。

從此海東舉奉唐威令、高宗置安東都護府於平壤總管之。  
**唐之隆盛** 唐初外征概如右、國威所及、東達日本海、西跨興都克士山、南盡林邑、北至骨利幹、後至玄宗時、中國十道以外、羈縻州之數

六都護

殆八百皆當時安東初置平壤後安北改燕然治部漠北之單于治漠南中北庭治新疆龜化府安西在龜茲即今之庫安南在東京之河內六都護府

之所統轄也漢族聲勢實至唐為極盛

### 第三節 唐之中世

武氏出身

武后之革命 太宗崩高宗繼位納太宗之才人武氏為昭義武氏

性明敏而大得寵於帝遂為皇后高宗苦風眩不能視事每使武后決之皆稱旨由是委以政事權侔人主

及高宗崩武后先立中宗僅二月而廢之立其弟旦後立曰遷中宗於

房州陽北郡自執朝政夷滅唐之宗室而上帝位以旦為皇嗣賜姓武

周

改國號曰周追王祖考

張柬之

武氏既傾唐祚內有權術能舉用人材將相多適其任國政不為紊亂然多嬖幸至晚年張易之張昌宗二人大弄權宰相張柬之入宮中

斬之遷武氏於上陽宮中宗復位

韋氏之難

初中宗之廢也皇后韋氏常從帝共嘗艱苦帝深德之

及復位又共臨朝既而韋后有淫行與武三思通而退張柬之等且與

安樂公主通三思謀弑帝立溫王重茂自攝政睿宗子臨淄王隆基起

兵斬后及公主廢溫王而立睿宗尋禪位於隆基即玄宗皇帝是也

開元之治

玄宗即位之初勵精圖治姚崇宋璟二名相輔佐賦役

寬平百姓殷富故唐代之治前稱貞觀後稱開元自武后內亂國威漸

微玄宗乃於邊陲要地置十節度使平盧范陽河北庭劍南西委以兵

馬大權使經畧四方於是國威復張於外帝又好學獎文士唐代詩文

之盛實興於此

安史之亂

玄宗在位既久漸生驕奢之念而不顧國事及李林甫

為相專事迎合壅蔽聰明國政寢亂致有安史之大亂安史者謂安



安祿山

祿山父子與史思明父子也。

安祿山、營州之胡人、才勇過人、結帝愛妃楊氏、及其左右、深得帝之信任、初爲營州都督、既而兼任平盧、范陽兩節度使、尋爲東平郡王、兼河北道採訪處置使、漸輕唐而懷異志、及楊國忠爲相、素與祿山有隙、祿山先請悉罷部下之漢將、次率大兵欲奏獻馬三千匹、帝始疑祿山而止其獻。

玄宗奔蜀

是歲冬祿山翻反、旗於范陽、率所部及奚、契丹之兵十五萬陷東京、陽洛自號大燕皇帝、顏真卿、顏杲卿、郭子儀、李光弼等各舉義兵以禦之、賊將史思明數擊退官軍、遂入潼關、陷長安、帝出奔於蜀、讓位太子、是爲肅宗、遣使回紇請援。

史思明

既而回紇來援、官軍漸得勢、祿山爲其子慶緒所殺、遂得恢復西京及洛陽、帝與上皇宗還京、未幾、慶緒又爲思明所殺、賊勢大沮、思明引退。

懷仁可汗

范陽肅宗因遣李光弼等伐之、已而思明亦爲其子朝義所殺、朝義亦爲其部下李懷仙所殺、及懷仙出降、八年之戰亂始歸平定、時肅宗已崩、代宗卽位矣。

回紇回紇、隋曰韋紇、隋末漸興、至玄宗時、奄有東突厥之故地、國勢大振、玄宗册其主爲懷仁可汗、安、史之亂起、唐不得已而乞其援、亂後或贈金帛、或妻以公主、回紇猶未厭、往往寇邊、後文宗時、其國爲人所滅。

吐蕃吐蕃、圖伯特種、漢時西南夷之後也、太宗嘗遣侯君集討平之、然其後益強、代宗卽位之元年、侵入長安、帝奔陝州、陝州河南尋會郭子儀率兵來援、雖去長安、其侵寇依然也。

#### 第四節 唐之末世

藩鎮之跋扈 高宗始置幽州節度使、玄宗次之而設十節度使於

邊塞、掌土地、財賦、甲兵之三權、故勢强大、遂爲國家之大患。安。史亂後、河南、河北、山南、江淮諸道、悉置節度使、諸鎮多世襲其職、純然化爲列侯、或姦將奪之、後強請命於朝廷、朝廷又軟弱而不能拒、諸鎮之跋扈愈甚、或稱帝王之號、或不納貢賦、

德宗出奔

德宗繼代宗之後、欲殺諸鎮之權、朱滔、李希烈等叛、官軍征之、府庫不支、時盧杞爲相、專權厚歛、遠近嗟怨、會涇原兵討關東之叛、道經京師、朝廷待之甚薄、於是作亂、奉朱泚爲主、帝出奔奉天、陝西乾州李懷光、李晟入援、尋懷光亦叛、與泚連兵、帝奔梁州、陝西漢中府幸李晟率諸軍克復

平淮西

長安、泚與懷光相繼死、帝還長安、李希烈亦爲其下所殺、德宗有志求治、不知任賢、雖有李泌、陸贄諸名臣、不能終任之、後經順宗而至憲宗、頗英武、任賢相杜黃裳、用名將裴度制外鎮、平淮西、河北諸鎮尋降、然帝由是意滿、漸驕侈、賢臣多去朝、而宦官跋扈矣、

宦官行廢立

**宦官之專恣** 唐之宦官、自玄宗時漸用事、至德宗之代、遂參與軍

國大事、於是宦官全握內廷之主權、而天子之廢立、竟歸其專主矣、憲帝晚好神仙、服金丹而多躁怒、爲宦官陳弘志所弑、立太子穆宗、穆宗後敬宗立、亦爲宦官所弑、文宗代之、頗怒宦官之專恣、與鄭注、李訓等謀誅之、謀洩而注訓皆遇害、由是宦官之威勢益甚、文宗崩、宦官仇士良立其弟武宗、武宗後、宣宗、懿宗、僖宗、昭宗皆宦官所立、及朱全忠起、始得誅夷之、

**李牛之黨爭** 李牛之爭、亘穆宗以後數十年、爭奪政權、與藩鎮及

宦官二大患同爲朝廷之禍、而唐從此衰頹矣、

李德裕  
李宗閔

牛僧儒

穆宗時、李德裕爲翰林學士、嘗含怒於中書舍人李宗閔之譏切其父吉甫、構貶之爲劍州刺史、是實黨爭之始、二人自是各率其黨羽互相排軋、文宗以後、宗閔引牛僧儒爲其黨、爭奪相位者數次、但武宗時德



黃巢反

李克用

朱全忠

殺宦官

全忠懿唐

裕再得勢而專朝政、至宣宗立斥之、三人共死於外、朝臣之黨爭始止、  
**唐之滅亡**、宣宗聰察強記、紀綱一時稍振、然好挾摛隱微、而大綱  
 不舉、內而宦官、外而藩鎮、其專橫如故也、崩後盜賊起於各地、僖宗時  
 黃巢反而陷東都、尋入西都、安長稱大齊皇帝、於是帝出奔蜀、自沙陀自出  
 西突召李克用、依其力得漸平定、是他日李克用之所以大興也、  
 時有黃巢之降將朱全忠者、初名溫為節度使、鎮汴、河南開封府與克用不  
 合、互相仇視、僖宗後、昭宗立、同平章事崔胤召之、與謀誅宦官、全忠率  
 兵入京、遂將一百五十餘年擅作威福之宦官、盡數殲滅、乃以功進梁  
 王、  
 既而全忠威振四方、懷篡奪之志、密殺胤而促帝東遷洛陽、有挾天子  
 以令天下之勢、於是鳳翔節度使李茂貞、傳檄四方而抗之、全忠使人  
 弑帝而立哀帝、尋受其禪而上帝位、是為梁太祖、

## 第五節 學術宗教

**詩文之發達** 唐之學術中最可注意者、為詩文之發達、文章自魏  
 晉以後、惟纖巧華麗之駢儷文盛行、至唐德宗時出韓退之、力復古文、  
 專作達意之文、柳宗元又和之、排時流之駢儷、復周漢醇朴之古體、  
 詞賦自漢初已行、尚無高遠之思想、至漢末而漸陷於纖弱、無足多者、  
 唐玄宗時李白杜甫二大家起、挽回積弱、開前古未聞之盛運、尋出白  
 居易、更執一世之牛耳、

## 佛教之盛運

佛教自南北朝以來益盛、唐代有名僧玄奘、義淨  
 赴印度求經典、玄奘特作新譯千三百餘卷、佛教更得勢力、文宗時寺  
 數越四萬、僧尼之數七十餘萬、日本慕其盛而派遣留學僧、中日之交  
 通亦由是繁、但佛教至武宗時遭大厄難、詔勒歸俗、失寺院四萬、僧尼  
 二十七萬、爾後遂不能復如唐初之盛、

韓柳文章

李杜詩

玄奘譯佛經

廟祀老子

景教

回教

# 道教之盛行

道教自秦漢時方士之徒附會老莊之說而作者也。後漢時有張陵、張角、東晉時有葛洪、後魏之始有寇謙之、各講神仙之術、猶未能與佛教相抗。至唐而國姓李與老子同姓、方士等乘之、以老子為唐之遠祖、於是高祖廟祀老子、玄宗頗重道教、武宗悉排他教、以道教為國教、後來道教之與佛教相並、實基於此也。

## 西域諸教之流傳

唐代海陸之交通日盛、西域諸教徒、遠游布教、於是有景、回、祆、摩尼四教流入中國。

景教開於乃司脫利安、為基督教之一派、盛行於波斯、貞觀時其教徒阿羅本來長安、太宗賓迎之、許其布教、為建波斯寺、高宗、玄宗亦獎勵之、德宗之世、有大秦景教流行中國碑、以是知當時流行之狀。

回教、穆罕默德所開者、德宗時始入中土、請於朝廷、建會堂於廣東地

方、盛傳其教、

祆教

祆教者、係曾呂亞斯太所創、崇拜火、故又曰拜火教、南北朝時入中國、唐初盛行、朝廷為之置祆正等職、

摩尼教

摩尼教開於波斯之摩尼、折衷於祆教與基督教者也、回紇人夙歸依之、唐嘗借援兵於回紇、回紇人多移居內地、遂請於朝、各處建摩尼寺、稍流行焉。

## 第六章 五代及宋之時代

### 第一節 五代

後梁

當太祖篡唐以汴京河南開封為帝都、李克用在晉陽稱晉王、李

茂貞在鳳翔

陝西鳳翔府

稱岐王、楊行密在淮南而稱吳王、在揚州王建在成都而稱蜀王、無不用唐之年號以拒梁之使命、此外如閬王王審知、福建

吳越王錢鏐、浙江

杭州

楚王馬殷、湖南

潭州

南漢王劉隱、廣東

名雖在梁之治

李存勗

梁亡

李嗣源

石敬瑭

唐亡

阿保機

晉之亡

下其實皆列國也。

斯時晉連年出兵與梁爭雌雄。至克用子存勗武威愈盛。悉併北方之地。改國號曰唐。即帝位。是為後唐。莊宗遂大發南北之師。時梁末帝在位。連戰失利。及大梁京即汴陷。左右竊傳國寶以迎唐軍。末帝不知所為。盡殺諸兄弟。又命其下殺已而梁亡。

後唐

唐莊宗既滅梁。先都大梁。尋遷於洛陽。梁諸藩鎮入朝者皆復其任。岐王李茂貞以地入於唐。蜀王衍淫湎而國大亂。莊宗出兵討之。蜀人爭先款附。衍出降而蜀亡。帝由是漸驕恣。寵諸伶。國政大紊。將士怨望。遂叛而奉克用之養子李嗣源。據大梁。莊宗欲招撫之。途為其下所弑。嗣源入洛陽即位。是為明宗。

明宗與物無競。兵革罕用。而唐威振於四方。海內得小康。帝崩。子閔帝立。明宗養子李從珂反。陷洛陽。遂帝而自立。是為廢帝。時明宗之圻石

敬瑭為河東節度使。有威名。從珂素與不合。將欲移之為天平。山東兗州府

節度使。敬瑭遂叛。借契丹之兵。陷洛陽。從珂自焚死。唐亡。而敬瑭即帝位。是為晉高祖。

契丹之興

契丹為東胡之裔。興於鮮卑之故地。自後魏時自號契

丹。當後梁末。其主阿保機。性豪雄。而好侵畧。東滅渤海。以為東丹。西破奚。悉併突厥故地。定都臨潢。在今西刺木倫河之右而號天皇帝。即遼太祖是也。

太祖死。而子太宗嗣。以援後晉而滅後唐。後晉報之。獻幽。薊。檀。雲等十六州。在直隸山西北境歲贈帛三十萬匹。且諸事執臣屬禮。

後晉

高祖敬瑭表恭順於契丹。謂契丹帝為父皇帝。朝野咸以為恥。

及高祖崩。從子出帝立。不甘屈事契丹。僅稱孫而不稱臣。契丹之太宗怒而寇晉。於是出帝親將兵與契丹戰。一自擊退敵軍。心益驕。太宗乘之。興師南下。直陷大梁。而生擒出帝。

太宗以其明年來大梁、改國號曰遼、將欲君臨中國、縱胡驕四出剽掠、內外怨憤、所在盜起、始知中國之難制、僅居三月而北歸、死於途而世祖嗣。

劉知遠

後漢時有河東節度使劉知遠者、亦沙陀人、爲晉高祖所任用、與出帝不合、不救其急、及晉亡、在晉陽稱帝、乘契丹北歸而移都大梁、是稱漢之高祖皇帝。

三叛

及高祖崩而隱帝卽位、李守貞據河中、王景崇據鳳翔、趙思綰據長安、各舉兵反、是曰三叛、加之孟知祥自唐時據成都而立後蜀、李冕自晉時代吳而興南唐、且滅越而威振江南、至此共出兵與三叛相應、於是帝遣郭威漸平定之、及亂平、疎威使爲鄴都留守、尋欲使人殺之、威欲訴其冤、率兵向大梁、帝拒之爲亂兵所弑、威遂爲將士所推而上帝位、是爲周太祖。

郭威

遼之亡

後周

太祖代漢、建國曰周、後漢隱帝之叔父劉崇據晉陽而稱北漢、

深仇後周、求援於遼而屢伐之、戰常不利、後當太祖崩而世宗初立、劉崇遂乘機與遼軍共大舉南侵、世宗逆擊、親冒矢石、大破之於高平、四山

澤州府高平縣

柴榮

世宗名柴榮、爲太祖妻兒子、聰明英武、有統一中原之志、西伐後蜀以復秦、鳳之地、南征南唐以收江北諸州、北討遼、平瓦橋關、直隸保定府東北

南、當進攻幽州、順天府

會獲疾還大梁、尋崩、子恭帝嗣位年七歲、

時有宿將趙匡胤者、威望素著、大收將士之心、當遼兵來侵、詔匡胤禦之、夕次陳橋驛、開封府城北爲將士所擁立、肅隊入汴、受恭帝之禪、是爲宋太祖皇帝。

趙匡胤

## 第二節 宋之創業及遼夏入寇

太祖之內治

當太祖代周登帝位、先用意於內治以謀主權之強

罷藩鎮武臣

固宰相趙普能奉帝旨以奪唐以來爲國家大患之藩鎮之權爲急務罷武臣節度使以文臣代之於諸州置通判以參議州郡政事又設轉運使以理其地方租稅於是民軍財三權悉爲朝廷所獨攬藩鎮之權漸輕朝威行於各地

宿衛

自五代之際又有宿衛橫暴之弊帝選諸州之驍勇補禁旅出禁旅使守邊城常相交代以絕將士專橫之基

**太祖之外征** 斯時太祖雖已使國基鞏固而未奉宋之正朔者北有北漢西有後蜀南有荆南湖南南唐吳越等太祖逐次出兵削平西南諸國但帝之用兵頗以謹慎爲主招至者皆以禮存之惟北漢有遼之後援其兵最強帝恐損無益之師而置之及太宗立降其主始得海內一統

### 宋遼之衝突

遼初與宋通好及太宗滅北漢而欲取幽薊之地

遼景宗

遼景宗遣耶律休哥大破宋軍於高粱河之北京由是宋遼之交全破南

北連年交兵以爭涿朔深德等州

既而太宗崩眞宗立遼遂大舉南侵以破竹之勢迫澶州直隸大名府眞宗

召羣臣問方畧王欽若等獻幸江南之議寇準排之堅請帝親征帝遂

納寇準之策北伐而入澶州北城宋軍勇躍呼萬歲遼兵聽之氣大沮

遼乃遣使通和眞宗亦應之而遣曹利用結宋爲兄遼爲弟之約宋每

歲贈銀十萬兩絹二十萬匹於遼是之謂澶淵之盟

澶淵之盟

### 西夏之興

眞宗崩而仁宗立西夏起西邊更爲宋之一勁敵西夏

之先爲黨項

特種百種唐時來歸賜姓李世居夏州

多鄂斯爾號平夏部後經數

繼遷

世至繼捧始朝宋以太宗之命爲彰德節度使其族弟繼遷反之而降

遼受遼之封稱夏王既而又歸宋賜姓名趙保吉眞宗時爲定難節度

德明

使後其子德明嗣反覆於遼宋之間始受兩國之封而曰西平王後諡



元昊

韓范

宋夏媾和

廢郭后

四賢一不肖

朋黨論

青苗法

稱太宗至宋仁宗時太宗崩而子元昊立性雄毅而好侵畧先併回鶻之地自號大夏皇帝更轉鋒於東以寇宋之西邊卽西夏之景宗是也宋夏之衝突西夏之景宗據賀蘭山之東麓有兵五十萬頻寇邊仁宗削其官爵先使夏竦范雍等守備尋使范仲淹韓琦二人援之然景宗不爲之屈或南侵而破韓琦或東侵而蹂躪麟州附近仁宗乃分四路各置經畧安撫招討使以拒之

自是宋夏之爭亘數年兩國共困於兵事仁宗聞景宗有和意試遣使以招之景宗果遣使請和於是仁宗封景宗爲夏國王確定兩國之境界且賜歲幣銀二萬兩絹二萬匹茶三萬斤及黃金帶

### 第三節 朋黨之紛爭

慶曆之黨議仁宗初世劉太后攝政後至太后崩帝始親政呂簡易爲相而廢郭后且構貶范仲淹余靖尹洙等蓋皆以難廢后之事

也歐陽脩責司諫高若訥不諫若訥怒而上其書脩亦貶蔡襄作四賢一不肖詩以譽仲淹靖洙修而毀若訥都人傳誦

既而帝察讒誣之多開言路增置諫官以歐陽脩王素蔡襄余靖爲之韓琦范仲淹爲樞密副使且欲舉夏竦爲樞密使然諫官唱異議乃以杜衍代竦國子直講石介又作慶曆盛德詩擬竦爲大姦竦大怒與其黨共作論目衍等爲黨人於是歐陽脩作朋黨論以辨之其實皆同一黨爭兩黨之辨難排擠自是益烈是曰慶曆之黨議

### 王安石之新法

仁宗銳意求治國內承平雖多黨議賢者滿朝及崩英宗立亦無幾時而神宗繼之年少氣盛欲大張國威用王安石爲參知政事置三司條例司與呂惠謀施行新法新法者有青苗均輸保甲市易等許多之條例以國庫充實爲主凡民俱不喜之其中以青苗法每春貸錢於人民至秋熟時加息金十之二或十之三與



神宗求治

司馬光

三黨

章惇

本共收之、弊害最甚、蘇轍痛論其不可、安石無所顧忌、實行新法、苟有議之者、皆奪其官、於是蘇轍、韓琦、范純仁、呂公著等諸名士皆罷、安石、韓絳、呂惠卿三人得志於朝、

### 元祐之更化及紹聖之紹述

自安石前後二次爲相、任意行新法、內而法令繁雜、民不安堵、外欲謀遼、夏二國、致北與數十里之地於遼、西與吐蕃開釁、終神宗之世、安石黨羽、尙不失帝之信任而與朝政、神宗勞心政務、日仄不暇食、然求治太急、誤用安石、竟遺國之大患、及崩而哲宗立、高太后攝政、遂廢新法、悉斥安石之黨羽、而用司馬光、呂公著、文彥博等、是曰元祐<sup>號年</sup>之更化、

然司馬光爲相僅八閱月而卒、朝臣自是分洛<sup>程頤</sup>蜀<sup>蘇軾</sup>朔<sup>劉摯</sup>三黨、互相軋轢、安石之黨與皆視機欲發、元祐八年、高太后崩、哲宗親政、章惇、呂惠卿、蔡京、蔡卞等再列於朝、紹述神宗諸法、貶竄呂大防、

范純仁、劉摯、蘇軾、蘇轍、程頤等、追奪司馬光等諡號、是曰紹聖<sup>號年</sup>之紹述、

韓忠彥

元祐姦黨碑

### 蔡京之弄權

哲宗崩而徽宗嗣、向太后攝政、舉用韓忠彥、曾布、范純仁等、而貶章惇、蔡京、蔡卞等、復罷新法而用舊法、既而及太后崩、帝有意於紹述之政、而忠彥與布又生隙、故蔡京乘之入而進相位、頻復新法、悉斥舊法黨、標元祐姦黨碑於端禮門外、圖熙豐<sup>神宗</sup>功臣於顯謨閣、

蔡京父子

斯時蔡京握天下之全權、託名紹述、益修財利之政、徽宗愚闇而好奢侈、窮極土木之功、搜集四方珍奇、建宮觀、信方士、蔡京專事收斂應奉、以固寵、濫授官職、使子弟親族滿於朝、羣臣雖時言其非、而其出入朝廷前後亘二十年、其子攸亦大得寵於帝、權勢至凌父、

### 第四節 遼、金興廢及北宋滅亡

女真

完顏部

阿骨打

童貫謀遼

耶律大石

西遼

徽宗租

**金之勃興**

金即女真、通古斯族、其地即今滿州松花江之水域、五代時、契丹大興、松花江以南屬契丹、稱熟女真、以北不入其藉、曰生女真、生女真、風俗殊素朴、人民悍鷙、其一部為完顏部者、至宋時漸強大、其主烏古廼者、以遼真宗之命為生女真節度使、烏古廼死、子烏雅束嗣、烏雅束死、弟阿骨打嗣、阿骨打沈毅而懷大畧、怒遼天祚帝之貪縱、屢求名鷹於女真、遂叛之而取寧江州、更進陷黃龍府、遼東京省開原縣自上帝位、國號曰金、即金太祖是也、

**宋金同盟**

宋徽宗既遣童貫勝吐蕃、復河湟之地、童貫自負其功、更欲謀遼、用趙良嗣策、建議欲與女真共挾擊之、徽宗乃從海道遣使於金、於是金太祖大喜、返送使於宋、遂定挾擊之議、相約金取遼之中京、直隸省平泉州宋取其南京、直隸省順天府事若成、則宋收薊、景等十七州、以從來贈遼之歲幣輸於金、

**遼之滅亡**

既而金擊遼、陷其上京及中京、遼之天祚帝逃於西京、山西大同府尋降之、宋亦命童貫率兵十五萬向遼之南京、時南京有遼之耶律大石奉天錫帝故也、然宋軍常為遼軍所破、不能進南京、金主責宋之出兵失期、欲渝前約、惟南京及薊、景、順、涿、易六州與宋、於是宋遣趙良嗣爭之、金人不許、童貫自以功不成、恐得罪、密遣使於金、求如約而挾擊南京、金軍乃從三道進兵、直攻陷之、斯時遼亡、耶律大石率其衆奔土耳其斯坦、更建西遼、

**宋金之衝突**

金既滅遼、更食前約、徵燕京、即遼之南京之租錢百萬緡於宋、且掠去其金帛子女、宋。金之間、自是日非、邊將反覆、遂成兩國之爭端、

時金太祖既崩、太宗嗣位、遂以為南朝可圖、決意出兵南伐、使宗望向燕京、宗翰向太原、宋人莫敢撓鋒、徽宗倉皇不知所措、下詔罪已、徵四

李綱

欽宗求和

方勤王師傳位於其子欽宗，欽宗遣使於金軍以請和，金將不之顧，進圍汴京。欽宗欲南遷以避金兵，李綱固諫，請死守，督諸軍以禦之。頻主張主戰說，然朝臣多無鬪志，切望議和。李邦彥在相位，言媾和之利於欽宗，帝納其言，求和於金。金索犒師金五百萬兩，銀五十萬兩，牛馬萬頭，表段百萬匹，割中山直隸州、太原山西太原、河間直隸河間三鎮地，尊金帝爲伯父，以宰相及親王各一人爲質。欽宗一依其言，括借京城民財，僅得金二十餘萬，銀四百萬，以張邦昌與弟肅王樞爲質，遣使與割三鎮御筆書，時四方兵漸至，金師懼變，不俟金幣數足而還。

### 北宋之滅亡

雖然兩國之意皆不以此爲永遠之和議，宋密詔三鎮固守以備金，且密遣書於遼遺族之在金者，使謀叛以爲內應。事爲金所知，金兵復分道伐宋，宋恃和議不設備，京城遂陷。欽宗詣金營奉表請降，金人更索金銀，欽宗還大括民財，不能盈數，金人再邀欽宗至

張邦昌

二帝被虜

營，續逼徽宗出宮，后妃太子宗戚男女三千餘人悉赴軍前，金令宋百官議立異姓，百官希金旨，連署推張邦昌，乃立邦昌爲皇帝，挾二帝以下北還，自徽宗內禪，欽宗僅一年餘而失位。

### 第五節 宋室偏安

#### 高宗南渡

金兵圍汴時，欽宗之弟康王構在相州，德河南彰德府領兵渡

河將入衛，聞京城已陷，移軍東平，山東泰安府進次濟州，山東濟寧府及金人

去，張邦昌恐宋人不服，已與哲宋之廢后孟氏謀，迎立康王於應天府，

河南開德府是爲高宗，帝立，召李綱爲相，一時執強硬政策，貶竄主和誤國

者李邦彥、張邦昌等，整軍政，講邊防，以宗澤守汴，金人憚之，已而黃潛善等復主和，高宗怯懦，絕意於北方，日與潛善等爲避敵計，綱相七十餘日而罷，決策南遷，幸揚州，金人聞之，遂南侵，尋宗澤沒，汴京陷，金兵長驅至揚州，帝遷徙江南各地，後金兵引還，遂以臨安爲都，浙江杭州府

鄧臨安

宗澤

劉豫

秦檜主和

殺岳飛

文字之獄

**秦檜議和** 斯時中原淪陷、舉國怨金人徹骨、思有以報之、岳飛、張浚、韓世忠等諸名將、亦尙能防禦金人、而完顏氏國勢實盛、頻遣宗翰、宗輔、宗弼等蠶食邊地、且封宋之降將劉豫於汴京爲齊帝、與之以關中之地使當宋、於是有秦檜者、本爲金人所執、爲其任用、至是縱還、盡全力以謀媾和、排李綱、張浚、韓世忠、岳飛等之主戰說、遣使求和、時岳飛方大破金兵、乘勝平定河北、爲金人所懼、檜堅持和議、請詔使班師、且誣殺飛、遂調和議、宋納歲幣銀絹各二十五萬、金還徽宗梓宮及章太后、以淮水與大散關、陝西鳳翔府之南爲兩國境界、宋主受金冊封得稱宋帝、

自此和議成、宋人多不喜之、秦檜且自以爲功、有異已者力排之、張浚、韓世忠諸將、皆失兵權、檜又興文字之獄、有一言一句涉足諱者悉貶竄之、自是無敢言戰者、攬權十八年、高宗仰成而已、

宋金和議

南北休息

**孝宗與世宗** 時金太宗既崩而熙宗嗣位、從弟亮弑之而自立、徙都燕京、頻畫南侵之策、以汴爲南京、大舉迫江岸、然宋兵能拒之、不克渡江、尋亮被弑軍中、世宗代立、罷南伐之師、通和意於宋、是時宋高宗亦禪位於孝宗、孝宗賢明有大志、乘金軍北歸、遂出北伐之師、復陝西河南淮北諸州、及戰不利、始遣使議和、還金之侵地、兩國境界當如前約、減歲幣銀絹各五萬、罷從來君臣之交際、宋以姪事叔之禮事金、且宋主得自稱皇帝、

宋金多年之紛爭、自是全絕其迹、南北共得休息者亘三十餘年、蓋孝宗爲南宋賢主、嘗有意經營北方、以圖報復、而值北方隆盛之運、金之世宗亦甚賢明、無釁可乘而止、

**韓侂冑之專權**

孝宗禪位於太子、是爲光宗、尊孝宗爲壽皇聖帝、光宗有心疾、多不視朝、及壽皇崩、不能執喪、趙汝愚建議內禪、令韓

僞學之禁

侂冑白太后、引光宗子嘉王卽位、代執孝宗之喪、是爲甯宗、汝愚薦大儒朱熹入經筵、韓侂冑自負定策功、極驕恣、熹上疏、因忤侂冑、立朝二月而罷、侂冑又竄逐趙汝愚、於是天下嚮然非朝政、咎侂冑、侂冑怒、籍記汝愚、熹等數十人、目之爲僞學、嚴禁其服官與著書、由是專政十四年、權傾人主、

宋金交戰

時金之北有蒙古新起、金之章宗苦於防禦、國勢日弱、侂冑聞之、以爲中原可圖、遂叛盟出北伐之大師、然諸軍皆不利、金章宗大發兵、連陷蜀、漢、荆、襄。兩淮諸郡、江南大震、遣使求和、金人欲罪首禍之臣、帝不得已殺侂冑、函其首以送金、和議復成、改叔姪之稱爲伯姪之稱、增歲幣之銀絹各爲三十萬、犒軍銀三百萬兩、以贖淮南侵地、

### 第六節 蒙古興金。宋皆亡

鐵木真

成吉思汗之興 當是時有統一漢北之蒙古部者、各鐵木真、其

伐西夏

伐金

初分許多之部落、奉貢於遼。金、自鐵木真代其父、年僅十三、家臣多叛、備嘗辛苦、及長漸收威名、遂併蒙古諸部落、卽位於斡難河上、受羣臣之尊號曰成吉思汗、蒙古從此爲東洋之有大勢力者矣。

### 成吉思汗之遠征

成吉思汗自受尊號、益併吞四境、悉收漠北諸部族、遂轉鋒而南、先伐西夏、夏主李安全納其女請降、而附近諸部亦歸之、天山附近至伊犁河流一帶歸蒙古、乃更伐金、

時金多內亂、西北諸州既叛降蒙古、成吉思汗率大軍蹂躪西北諸州、陷其西北兩京、且圍中都、金之宣宗納皇族女及金帛以請和、乃引兵而去、後宣宗遷都南京、府開封成吉思汗復南下、攻陷中都、悉取真定、

府正定以北之地、

西遼自耶律大石時、殆有中亞細亞之全地、西降花刺子摸、西南破波斯、後數十年漸衰、花刺子摸乘之奪西方之地、自成吉思汗滅乃蠻、乃



滅西遼

平花刺子  
摸

滅西夏

窩淵台

蠻王之子屈出律奔西遼，與花刺子摸王通謀，奪西遼之王位，於是成吉思汗伐之，殺屈出律，悉取西遼故地。時花刺子摸東北至垂河，西南至波斯灣，東南及印度河，西北及裏海，成吉思汗欲與之交通，花刺子摸人殺其使者，成吉思汗遂與其四子及二將督大兵向之，殆蹂躪其全土爲赤地，逐其王於裏海之一島而還，其二將更破欽察。俄羅斯。不里阿耳諸國而還。

夏。金之亡

成吉思汗自西征還，更欲平定中國，先加兵西夏以略

其西部，尋全滅之，送其主李睨於蒙古，又伐金至六盤山。

甘肅鞏昌附近

獲

病而卒，後諡太祖。太祖有四子，皆建戰功，從父之遺命，分領歐亞之征地。

太祖崩，其第三子窩淵台爲蒙古大汗，是爲太宗，繼太祖之遺志，謀討滅金，先以謀破潼關，遂與其弟拖雷共進兵，圍金之南京，金不得已而

金之挾攻

金之亡

平俄

納質請和議，於是太宗一旦與金結和而收兵，旣而金人殺蒙古之使者，太宗大怒，再出兵，且遣使於宋，議挾攻金，時宋甯宗崩而理宗在位，聞攻金之約，皆以爲可復讎，遣使報謝，帥師會之，金之哀宗時，以南京糧盡援絕，出奔走蔡州。河南汝寧府金將以南京降蒙古，蒙古以諸王宗室男女五百餘人北還，在道艱楚萬狀，尤甚於徽欽之時，金哀宗在蔡州，乞糧於宋，曉以唇亡齒寒，宋人不許，蒙古兵自西北，宋兵自東南圍蔡州，哀宗遂自盡於城中而金亡。

拔都之西征

蒙古之太宗旣滅金，更興師西征，遣其姪拔都與海都等共向歐洲，時俄羅斯國內四分五裂，未歸一統，蒙古兵容易蹂躪之，遂平定全俄，更以其餘威，逼歐洲內地，使海都將北軍而入波蘭，破德意志及波蘭之聯合軍，拔都自將南軍而向匈牙利，破匈牙利之大軍而陷其二府，會太宗崩，計音達軍中，拔都乃收兵使諸將歸國，自留



蒙古

征回教國

南俄而立金黨國、

旭烈兀之西征

太宗崩、皇后臨朝、既而立太宗之子貴由爲定宗、僅三年而崩、皇后復臨朝、以是蒙古人心不相統一者亘十年、不能伸力於外、至拖雷之子憲宗蒙哥立、再出師外征、時波斯在羅苦奇之治下、威振遠近、八吉打爲哈里發所有、木達希母治之、是等回教徒、兇悍久爲蒙古害、憲宗使其弟旭烈兀討之、先降羅苦奇、次屠八吉打、哈里發木達希母遂降、更侵入而破埃及兵、會憲宗死、遂班師、既而埃及兵破其留守者、直赴其援而退埃及兵、且悉討平小亞細亞地方、遂建都而稱伊蘭國、

憲宗之南征

當初金亡時、宋將趙范等、頻欲恢復北方、遂擁大兵至汴京、汴人以城降、乘勢取洛陽、因食竭、聞蒙古且大至、皆潰而歸、蒙古之太宗遣使責之、且遣其子濶端侵略淮、漢地方、

忽必烈

賈似道

元  
伯顏南侵

既而太宗崩、蒙古一時無外征之餘力、經定宗而至憲宗、國威再振、用意於經營中國、封太弟忽必烈於關中、河南、先使其由四川入雲南、伐大理、大理國王段志興降、尋及吐蕃與交趾、皆降之、遂共督師自西方向宋、忽必烈進圍鄂州、湖北武昌府憲宗略蜀、圍合州、四川重慶府而死、時宋理宗遣賈似道赴鄂州之援、似道聞蒙古之憲宗崩、密求和於忽必烈、請以宋爲蒙古之臣、且納歲幣、於是忽必烈納其請、解鄂州之圍、收軍歸國、以部下諸王將勸進、爲蒙古大汗、是稱世祖、

南宋之亡

自鄂州圍解、似道還而深惡其稱臣納幣之事、且自以爲功、故大受理宗之寵任、權振朝廷、及蒙古世祖卽位、發使者徵前約、皆爲似道所囚、蒙古遂出兵而攻陷襄陽、時理宗崩而度宗在位、蒙古世祖亦大改國政、奠都於燕京、名曰大都、建國號曰元、更以伯顏爲將、率大兵南侵、降漢陽、鄂州、迫宋都臨安、度宗之子恭宗在位、乃貶殺

文天祥  
張世傑

賈似道、徵兵勤王、文天祥。張世傑等各起兵入衛，然皆敗。恭宗遂遣使於元軍，奉璽以降。伯顏乃入臨安，捕帝及謝。全二宮送於元之上都，以帝爲瀛國公。

時帝之兄益王昀及弟廣王昺二人，共遁在溫州。浙江溫州府陳宜中。陸秀夫。張世傑等相會立昀於福州。福建福州府是爲端宗皇帝。

次有文天祥亦舉義兵來會，宋軍稍得勢，專從事四近之恢復，然未幾而元將阿剌罕攻陷福州，帝與宜中等航海奔廣州。廣東廣州府其後轉遷各地，遂崩於礪州。廣東高州府因而秀夫與世傑共立昺而遷崖山。廣東崖山縣

新會縣元將張私範攻益甚，力不能支，天祥在外被擒，帝與秀夫共投海。世傑赴安南而溺死海上，宋由是亡。

**宋之理學** 宋於武力不及漢唐，至南宋不過爲淮漢以南之一弱國，而於思想界實凌駕漢唐，儒學史上開一新時期，蓋自魏晉以來佛

宋亡

周敦頤

程頤

張載

朱熹

老之學漸盛，學者受其刺激，唐之韓愈力排之，然未嘗打破彼教宗旨，故不足以大振起儒風。宋儒有察於此，高談性命，詳析理氣，以敵佛家奧妙之說，於是儒者始爲窮理之學，漢儒訓詁之習一變。

宋之理學分四大派，卽濂溪湖南永州之周敦頤、洛陽之程頤、關中之張載、閩中之朱熹是也。周敦頤實開理學之祖，其學出於道家，著大極圖說及通書，究易理之蘊奧。程頤兄弟，其學受於敦頤，顯著定性書，頤作易傳，張載與二程同時，尙易與中庸，有正蒙。理窟。東銘。西銘等之著，朱熹爲南宋時人，字曰元晦，集宋理學之大成，著易本義。詩集傳。四書集註。近思錄。通鑑綱目等書，永爲儒家之模範。此外北宋尙有胡瑗。邵雍，南宋有陸九淵，各成一家。

## 第七章 元明時代

### 第一節 元之盛世

元制

**元之內治** 元起自北狄，官制法度多不備。太祖太宗之際，任用耶律楚材，稍定法制。世祖當憲宗時，已爲漠南都督，招致漢人有才學者，以爲幕賓，及爲蒙古大汗，乃命漢人劉秉忠、許衡定官制。於是置中書省以行政務，樞密院以掌兵權，御史臺以司黜陟，其長官皆用蒙古人，次官以下乃用漢人及他處人。其登庸官吏，學制稅制等，大抵參用中國舊制。

**後高麗之從順**

海東之地，唐時百濟。高麗二國共亡，新羅獨雄視南方，尋有渤海興其北，悉蠶食唐之領土。至五代時，新羅爲後高麗之太祖王建所滅，渤海爲契丹之太祖阿保機所滅。

王建

其後契丹建國號曰遼，屢入寇中國。高麗反之，自後晉時奉中國之正朔，歷事宋、遼、金三國，及蒙古起，更請其援而納歲貢。今咸鏡、平安二道之地，概歸蒙古所有。

**元日之衝突**

征日本

世祖忽必烈時，蒙古改國號曰元，國勢日振。高麗益恭順，日本在其東，尚不通聘使。世祖使高麗王元宗爲介，而招致之。日本三斥其使，世祖乃興東伐之師，與高麗兵八千共伐日本。兵遇暴風，無功而還。世祖期再征之，設征東行中書省於高麗，以元宗爲左丞相。

元宗崩而忠烈王立，世祖進其爵爲駙馬高麗王，再遣杜世忠等諭曰：本日本怒其前寇，斬之於鎌倉。世祖乃發十有餘萬之大兵，使左丞相范文虎與高麗之援兵一萬共侵日本。筑肥二國之沿岸，日本能禦之，俄而暴風復起，船艦多覆沒，元失十萬之師，高麗損七千，遂大敗而還。

**安南及占城之征討**

古昔安南分交趾及南交二部，自周時朝中國。秦、漢、吳、晉、宋、齊、梁、陳、隋、唐十朝之閒，全爲中國所領有。至

吳權

李氏建大越國

陳氏

安南行省

三征緬甸

五代時、吳權始自立而離中國之治、丁部領繼之、自宋太祖封爲交趾郡王、時在交趾之南方、有扶南及林邑、亦各有獨立之國王、扶南稱眞臘、林邑稱占城、至李氏起於交趾而建大越國、討滅眞臘。占城二國、謂之占臘、

李氏有國三百餘年而亡、至陳氏得王位、蒙古征之、收其貢、乃世祖時、二國之和又破、帝遣托歡等屢伐之、爲其所破、遂許其國王陳日燾媾和罷安南之師、

時占臘再復其舊、爲扶南。占城二國、世祖遣峻都。阿答海等伐占城、設安南行省以統御之、

**緬甸之征服** 緬甸漢時稱罽國、唐時稱牒國、至宋時始號緬國、甸者、卽其部族之名也、元世祖遣使諭其內屬、國王不奉命、帝出大兵、三征之、遂陷其國都、納其國王之降、封之爲緬甸國王、

**元之版圖** 先是時世祖出兵攻爪哇、南洋諸國、亦皆入貢、其領土殆奄有東亞全地、伊蘭國鎮西亞、世世奉元之威命、欽察國鎮東歐、以遮白人之東進、國運之隆盛、實達其極、

## 第二節 元之衰世

阿里不花

**海都汗之叛** 海都者、合失之子、太宗之孫也、世祖卽位時、與和林之留守阿里不花共翻反旗、戰不利而引退、乃蠻之故地、自稱蒙古大汗、以拒世祖之命、與察合台國之八剌汗及欽察國之忙哥汗相結、頻謀本國之蠶食、共侵回疆、將欲進迫和林、世祖命海山擊退之、

海山

雖然海都毫無屈色、或與東蒙古諸汗挾擊元、或獨擁大兵而向和林、每爲海山所擊破而不得志、尋世祖崩、皇孫鐵木耳爲大汗、卽成宗也、海都亦死而其子察八兒立、請降於成宗、數十年來之紛爭始解、海都亂後、宗族之結合大破、朝政漸萎微、加之連年戰征、國用不給、察

合臺。欽察二汗國亦不立元之下風。

**權臣之跋扈**

成宗崩，無子，從子海山鎮北邊，有重名，諸臣歡迎之，以道途悠遠，時日遲延，乃自河南迎其弟愛育黎拔力八達，急來大都，八達入姑監國，未幾海山來即位，是爲武宗，以八達爲皇太弟，武宗大尊喇嘛，頗壞舊制，弟八達嗣位，是爲仁宗。

鐵木迭耳

鐵失

燕帖木兒

仁宗銳意除弊政，遵世祖成憲，時武宗子年已長，當承仁宗後，丞相鐵木迭兒迎帝意，擁立仁宗子碩德八剌爲太子，極專恣貪虐，逢諸臣彈劾失相位，及碩德八剌上帝位，宗英又拜右丞相而弄權，爲中外所怨望，於是帝任拜住而疎鐵木迭兒，其黨鐵失殺拜住而遂弑帝，迎晉王也。

孫鐵木兒於北邊而立之，是爲泰定帝。泰定帝立而誅鐵失等，幸上都開平府，留燕帖木兒於京師，帝崩而天順帝繼，燕帖木兒奉武宗之子圖帖睦爾攻陷上都，奪天順帝之璽，時

圖帖睦爾之兄和世㻋在漠北，即帝位，宗明燕帖木兒迎之而暴崩，遂

立圖帖睦爾爲文宗，燕帖木兒以功得信任，勢傾內外。

伯顏

脫脫

後經帝宗而至順帝，燕帖木兒死而伯顏代之，又振權勢，殺太平王唐其勢，弑皇后，竊懷異謀，伯顏有養子脫脫，與養父不合，一日伯顏欲請帝出獵，脫脫奏其實於帝，帝乃外貶伯顏，使人殺之於途，於是脫脫代執朝政。

**流賊蜂起**

元自世祖時，國用不給，頻行聚斂，又盛行交鈔，從此經年，財政愈紊，物價益騰貴，庶民不安其生，加以朝政歸權臣，買國人之怨憤，喇嘛帝師之威勢凌百僚，遂致僧侶驕橫，順帝即位以來，日事淫樂，不顧國事，於是天下騷然，漢人中之不屑受蒙古羈絆者，崛起四方，方國珍起於台州，韓山童起於永平，劉福通起於潁州，郭子興起於滁，張士誠起於高郵，陳友諒起於漢陽。

**元之滅亡** 時濠州之僧朱元璋亦從郭子興起兵、及子興衰、別自出師、略江東各地、誘降方國珍、大破陳友諒於鄱陽湖、殺之、悉奪其地、又移軍破張士誠、收江淮地、開府金陵、改曰應天府、而國號吳、當時元廷內訌頻興、亦不遑顧天下之騷亂、元璋乘之、先掃江岸諸賊、更分兵南北、南使胡廷瑞、楊璟等定兩廣、福建之地、北使徐達、常遇春等、先略山東、取河南、陷潼關、遂渡河而北、迫元之大都、順帝不得已而引退上都、元璋卽位於南京、應天府、建國號曰明、卽明之太祖是也、元自世祖入臨中國、至此八十八年、全失中原之地、

### 第三節 宗教

**元之國是** 元之政治、宗教、一以開放主義爲國是、且不問人種之異同、凡有才能者、概登庸之、故以任用外人、好遇外教爲其最著者、國內諸宗教、皆得自由競爭、今舉當時諸宗教中、最有重要之關係者

如左、

#### 喇嘛教

喇嘛帝師

喇嘛教、王新禱禁咒佛教之一派、自中國唐時發於西藏者也、喇嘛云者、乃無上之義、指高僧也、其後喇嘛教傳播日盛、其威勢時凌駕國王、元世祖征定西藏而利用之、舉教主八思巴爲帝師、使其命與詔勅並行、以後歷代帝王皇后、皆就帝師受佛戒、佛事供養之費甚多、於是喇嘛勢力日強、弊害百出、姦惡之徒、附其勢、得免罪網、農夫僞稱其部民、不輸田租、官吏不能捕、賞罰之道廢、

#### 基督教

基督教之一派曰景教、唐武宗時、與佛教共斥、久絕其迹、至元再東流入中國、蓋當時東西交通、歐羅巴人之來遊中國者極多、因而基督教徒亦來布教、元世祖常厚遇之、許創羅馬派教會於京師、自是基督教再占東洋宗教界之一要地、至明清而益隆盛矣、

### 第四節 明之初葉



改制度

封皇子

燕王棣

太祖之經營當太祖即位元順帝尚在上都稱帝號明玉珍之子昇據四川而稱夏王元之宗室把匝刺瓦爾密據雲南而稱梁王太祖遣常遇春李文忠等略取上都及應昌內蒙之東遣湯和傅友德等定四川遣傅友德藍玉等平雲南

如斯中原之地全歸明之治下太祖銳意圖內治定制律令改風俗習慣悉變元朝之遺風復唐宋之舊

帝又鑑於宋元之孤立而亡分封諸皇子於要地以備外變使得專征伐而又厲行刑罰殆殺盡功臣宿將然此政策遂養成尾大不掉之勢北邊諸王漸強盛而為中央政府之禍矣

永樂之亂太祖崩而太孫惠帝即位慮諸王強大黃子澄效漢平七國之古例奏欲制馭北邊諸王惠帝納其議先廢黜周王湘王齊王代王等燕王棣帝之叔父也據燕京鎮北邊夙有重望元之降卒

多歸之勢益強竊懷異志乘惠帝與諸王不相善乃叛以除君側為名奪帝王之兵而頻破官軍帝使鐵鉉等自濟南擊退叛兵燕王不得已還燕以待時期之至已而宦官有怨帝者密以京師空虛告燕王燕王乃大舉南下畧山東江淮地以逼京城城陷惠帝不知所往燕王乃自即帝位徙都於燕名曰北京以舊都金陵為南京

黎季犛

征定安南成祖即位而志懷四方先啓兵端於安南初安南自陳

交趾布政使

本雅失里

日焜之臣有黎季犛者弑日焜而奪王位未幾讓位於其子蒼因而日焜之子天平來訴成祖遣使詰責蒼蒼謝罪而請迎立天平及天平歸國蒼食前約要殺之故帝大怒使張輔等討蒼遂虜季犛及蒼其土全為明有改安南曰交趾置交趾布政使以統之

韃靼之征討元自引退北方弑虐相繼至鬼力赤始改國號曰韃靼自為可汗已而阿魯台弑其主鬼力赤以元之貴族本雅失里為可

阿魯台

瓦剌部

也先

土木之變

于謙

王振

曹吉祥

汪直

劉瑾

汗，非但不應明之招，且殺其使者，成祖大怒，督大軍出塞北，本雅失里知不可敵而西奔，阿魯臺亦同時東奔，帝親破本雅失里之兵於斡難河邊，又別派兵追擊阿魯臺之軍而還。

其後韃靼之西有瓦剌部，漸強盛，擊破阿魯臺，阿魯臺窮蹙請降於明，不數年又反而寇邊，於是帝再親征之，阿魯臺尋自爲可汗，入寇益甚，帝又親征之，歸途罹疾而崩。

### 第五節 明之中葉

**瓦剌入寇** 自成祖經仁宗、宣宗二帝而至英宗之末年，明爲瓦剌受大打擊，瓦剌者，亦蒙古之一部屬也，當蒙古瓦解，其部有曰脫懽者起，攻殺韃靼之阿魯臺，立元之後裔脫脫不花，自爲其相，頗弄權，至脫懽死而其子也先嗣，威勢益強盛，與明破和，大舉寇大同，及警報日至京師，英宗親出征於土木，也先襲之而得大勝，遂虜帝更挾之以

向京師，于謙等立英宗弟景帝，以鎮人心，以英宗爲上皇，堅守京城以拒之，尋援兵四方來會，也先氣大沮，遂請和而班師，奉還上皇，絕意南侵。

### 宦官用事

初太祖鑑歷代成敗，禁宦官預政，及成祖篡立，德宦官之爲內應，厚任之，以故得政權，英宗時先有王振用事，帝聽信之，致有土木之變，及歸國，二帝不和，已而景帝病不起，石亨與宦官曹吉祥謀擁英宗復辟，殺于謙社稷之臣，曹吉祥自負其功，擅作威福，尋以謀叛伏誅。

英宗崩而憲宗立，置西廠於宮中，命太監汪直調刺外事，直由是數起大獄，羅織人罪，且屢將兵行邊，勢傾中外，天下凜凜，尋亦以罪罷。憲宗後孝宗繼之，賢臣稍稍進用，頗能虛心納諫，及武宗繼位，聰明好逸樂，悉以天下章奏付太監劉瑾，於是劉瑾大得勢，斥大學士劉健。

王守仁  
擒宸濠

嚴嵩

半商半賊

防倭衛所

俞大猷  
戚繼光

辛禍

李成桂

謝遷等正士，目爲奸黨，榜之於朝堂，屢矯詔以興大獄。國政大紊，所在盜起。安化甘肅慶陽府安化縣王寅，錄以誅劉瑾爲名，舉兵甯夏甘肅府，幸得就擒。瑾亦伏誅，而寧王宸濠又反於南昌江西府。江南大擾，賴王守仁力誅之。帝自稱威武大將軍，巡遊南北，自是國力困憊，而諸宦之用事如故。

及世宗入繼，乃黜宦官，然任嚴嵩父子，不顧國事，從此朝政積弊叢生，遂不復振。

倭寇。明爲倭寇消耗國力亦殊甚。倭寇者，爲日本海賊之來寇者，起於元時。蓋當時日本分南北兩朝，國內擾亂，財用空乏，政令不行於地方，西海附近諸豪族，私與元及高麗開通商，無賴之徒加之而以半商半賊爲業。

及元亡而明興，倭寇益甚，方國珍、張士誠等餘黨，皆與之結而出沒

海上。太祖遣使日本，使禁邊寇，然不得要領，乃設防倭衛所於沿海以備之。宣宗謀與日本授受勘合符，欲除其患，而倭寇依然焉。至世宗時，海禁稍弛，日本邊陲諸侯，各自通於明，從事貿易，而明之奸商等，屢詣日本商民，購其物不償值，於是日本商民多怨者，而其不逞之徒，頻來蹂躪沿岸，明之臣民怨朝廷者，亦有與之合，勢益猖獗。江南沿海連年蒙其害，世宗盡力討之，命俞大猷、戚繼光等擊破倭寇於平海衛福建興化府，自是患始息，然尙占據臺灣，時出沒於近海。

朝鮮之興。元盛時，高麗保有海東之地而恭事之，及其衰亡，僖元之年號而奉明之正朔。至其國王辛禍時，明奪其鐵嶺以北之地，王欲復之，將崔瑩、李成桂二人使犯遼東，

及諸軍既渡鴨綠江，成桂忽班師而論犯大邦之不可，移辛禍於江華島，立其子昌，尋廢之而擁立恭讓王，遂受其禪，自上王位，遣使於明，請

朝鮮王

豐臣秀吉

征日本

愛親覺羅氏

後金

明征滿洲

國號及冊封，於是明太祖賜國號曰朝鮮，冊封成桂爲朝鮮王。

**明日之衝突**

朝鮮自國初服事明而爲明之外藩，又遣使於日本，

交通頗繁，未幾倭寇之出沒朝鮮沿岸者愈甚，於是朝。日之交破，彼

此往來遽絕，及日本之豐臣秀吉出而統一國內，欲振威國外，促朝鮮

來聘，及國使至，更欲與之借道以伐明，朝鮮拒之，遂起軍征朝鮮，

時朝鮮之昭敬王聞而大驚，報急於明，且修邊防而預爲之備，既而日

本兵至，其先鋒加藤清正。小西行長等連下諸城，遂陷京城平壤，王

奔義州，

江鴨口綠

時明世宗後經穆宗而神宗在位，以倭寇故，素惡日本，聞朝鮮之急，使

遼陽鎮將祖承訓赴援，敗於平壤，更命李如松率大軍征之，而又敗，乃

遣沈惟敬議和，當時日本軍亦會糧食盡，小西行長與沈惟敬結和議，

及沈惟敬至日本，其條件不合秀吉之意，秀吉重起兵而蹂躪朝鮮半

島，未幾秀吉卒，罷兵歸國，朝鮮王得歸京城。

## 第六節 明之末世

**滿洲蹶起**

自金滅後，通古斯族之勢力久衰，當明室外患方甚時，

滿洲之野，更生一勁敵，卽清之

太祖愛親覺羅。奴兒哈赤是

也，愛親覺羅氏爲女真之後，居於甯古塔，後遷於赫圖阿刺，

今之興寧

其國

曰滿洲。

太祖歲廿五，始破祖父之仇尼堪外蘭，次攻畧滿洲。長白。東

海。扈倫等近鄰諸部族，遂上帝位，立國號曰後金。

時有葉赫部恃強不降。

太祖征之，葉赫部乞援於明，明恐滿洲

強大，神宗命楊鎬以兵二十餘萬援葉赫部，朝鮮以兵二萬來會。

太祖大破之，乘勢滅葉赫部，更進瀋陽，

京盛

取遼陽，遂都於瀋陽，至是

滿洲疆土，西至遼河，南接朝鮮，東莅日本海，北至黑龍江，益蠶食明地。

明廷大懼。

### 東林之黨爭

顧憲成

明言路甚開，百官布衣，皆得上書論國事。英宗後，雖宦官與權臣迭相柄政，而言朝政之得失者頗多。神宗時，顧憲成、鄒元標、趙南星輩尤名於時。憲成以言事被斥，會同志講學於東林書院。士大夫之在林野者，多響附之。講學之餘，往往諷議朝政，裁量人物，元標、南星亦各於其鄉講學，遙應憲成。朝臣之不得志者，頗附和焉。

當時執政諸人互相結託，曰憲成等爲東林黨，痛加排詆。苟與之者，無不排斥於外。於是遂有東林黨及非東林黨二派，競相攻擊。及梃擊紅丸移宮三案起，二黨軋轢愈烈。

梃擊

神宗晚年有狂人入太子宮，梃擊門者，或謂鄧貴妃所嗾使。於是非東林黨以事連貴妃，宜置不問。東林黨以事關太子，宜澈問之，是爲梃擊

紅丸

移宮

之案。神宗崩而光宗嗣，未幾遣疾，進藥無功。有李可灼者，自稱有仙丹，進紅丸，帝俄死。於是非東林黨證可灼無惡意，東林黨爭其有罪。是爲紅丸之案。光宗崩，其寵妃李選侍擁立太子熹宗，執政等恐其干涉國政，強移選侍於他宮。於是東林黨贊其權畧，非東林黨咎其無禮，是爲移宮之案。

葉向高

魏忠賢

自光宗至熹宗初年，葉向高爲相，任用東林黨以排斥非東林黨。然不久而有宦官魏忠賢者，目不識丁而有膽力，猜狠自用，與熹宗乳母客氏交通，因得帝信任，非東林黨依賴之，悉貶黜東林黨。自此魏忠賢勢愈盛，內外大權一歸其手。御史楊漣劾其二十四大罪，繼奏者不下百餘疏，帝俱不聽。朝政大紊，因而內亂外寇一時並起，國脈傷，元氣盡矣。流寇之亂，熹宗崩而懷宗卽帝位，卽誅魏忠賢與客氏，偶因西北之地有凶歲，人民苦飢餓，張獻忠、李自成二人共爲流賊之長，轉掠

張獻忠

李自成

煤山

征服朝鮮

平內蒙古

清

吳三桂

多爾袞

福王

諸方奸淫殺掠靡所不至

獻忠延安人

陝西延安府

多陰謀起自山西擾亂陝西。湖廣各地既而被

官軍左良玉所破請降於官後又反而畧蜀自成米脂人

延安府米脂縣

與獻

宗共起事初稱闖將既稱闖王屢被官軍所破或降或反經十餘年而

軍勢漸振席捲河南陷荆襄次據西安而號大順王更北進而迫京師

懷宗召勤王兵以禦之不利未幾城陷帝自經於煤山衣前書有曰任

賊分裂朕尸勿傷百姓一人之語自成入虜其太子自上帝位諸臣之

殉難者甚衆

清之南進

後金

太祖之子

太宗嗣位明以袁崇煥

有將才舉令防滿洲

太宗姑避其鋒轉兵伐朝鮮朝鮮翼應明

師屢牽制滿洲故

太宗伐之陷平壤朝鮮遂請和於滿洲後數

年乘滿洲經畧內蒙古乃復與明通欲寇遼東

太宗自蒙古還

親征之陷其國都於是朝鮮絕明而滿洲受其封

時太宗既與朝鮮和絕東顧憂乃專力逼明明將袁崇煥因反

閒被罷滿洲兵逼山海關明廷因賂內蒙古之插漢兒部使防滿洲

太宗乃移兵伐之既平內蒙古乃改國號曰清屢侵明河北諸郡

明以吳三桂爲將使禦北邊

太宗之子

世祖嗣立又承

祖父之志發征明之大師使睿親王多爾袞督之

明以李自成逼北京召吳三桂還三桂急旋軍以赴援途聞京城已陷

帝自盡乃降清而請共討自成

世祖使多爾袞與三桂共進燕

京擊破自成

世祖尋遷都於順天重破自成於潼關自成遁走

爲人所殺更進兵殺張獻忠於四川

明之滅亡

是時明殆失其版圖之北半遣臣尙擁立懷宗之兄福

王由崧於南京史可法督兵江北以防清之南下福王庸闇將士不和



令、世祖遣兵破史可法、渡江陷南京、虜福王於蕪湖、嚴布剃髮之

魯王  
唐王

桂王

鄭成功

明之王族存者尙多、魯王據浙江、永甯王據江西、唐王又卽位於福州、清又分遣諸將、殺永甯王、破魯王、陷福州、生擒唐王於汀州、明遺臣更擁立桂王於肇慶、請援於安南、安南方內亂、不能出軍、及清兵至、桂王入雲南、既又遁於緬甸、魯王敗後、投廈門之鄭成功、成功乃海賊鄭芝龍之子、其母爲日本長崎人、先是芝龍降於清以招成功、成功不應、一意出兵以圖恢復明室、恃廈門爲根本地、頻攻沿海、及魯王至、軍勢大振、鎮江南京、一時皆爲其所有、更欲北侵、尋失利、成功不得已奉魯王據臺灣、**明之學術** 明之學術中、所最可著意者、爲理學及文學、理學自宋以來大行、元之學者、不過墨守之、無甚著名者、明太祖及成祖二帝、振

王守仁

興學術、遂出大儒王守仁、守仁號陽明、餘姚人、嘗築室於山陰之陽明洞、以修佛老之學、故有是號、其學基於陸象山而更出一機軸、以良知良能爲根本主義、蓋希世之大學者、其眼識遙駕宋儒云、繼其後者亦甚衆、

詞曲小說

若論文學、詩文自以唐宋爲大觀、至元時生一種詞曲。小說、且可傳者、亦惟此而已、詞曲如琵琶記。西廂記、小說如施耐庵之水滸傳、皆好著作、至於明、詩文原亦有足多者、而小說更見其長、出西遊記。金瓶梅等奇書、

## 第八章 國初

### 第一節 武功上

#### 三藩之鎮定

南者、及

世祖定鼎後、明室雖墟、其遺臣尙有出沒江南者、聖祖康熙帝卽位、乃封明降將吳三桂於雲南、爲平西

三桂之反

耿精忠

尙之信

王封尙可喜於廣東爲平南王、封耿精忠於福建、爲靖南王、使各鎮其地、握兵馬財政之權、是爲三藩、其中以吳三桂功最高、兵亦最強、及魯王已死、緬甸執送桂王、天下大定、聖祖漸憂三藩強大、竊爲之備、平南王尙可喜以老病故、請撤藩、朝廷卽納其請、於是吳三桂耿精忠二人、亦不自安、試請撤藩、朝廷許之、康熙十二年、吳三桂先反、傳檄遠近、自稱天下都招討兵馬大元帥、侵雲南貴州諸州縣、於是朝廷復平南、靖南二王、且使出兵伐三桂、賊勢日盛、官軍不得志、精忠尋亦反而擾福建、陝西提督王輔臣。鄭成功之子鄭經等應之、蹂躪諸處、尙可喜之子尙之信亦陰通三桂、幽其父、移檄州縣將出兵、漢族之不悅朝廷者、於是所在兵起、響應三藩、江南淪陷、三桂更自四川陷漢中隴西、

聖祖命圖海向關中、岳樂。傑書等平江南、賊勢漸傾、官軍頻

吳世璠

復其侵地、之信悔附賊而降於官軍、精忠與鄭經不協、亦投誠、三桂勢日蹙、未幾病死、其孫世璠爲賊之首領、雖固守雲南、貴州、湖南、四川之地、亦次第就衰、官軍窮追而奔雲南之滇城、遂自殺、時康熙二十年、事平定、

### 臺灣之征定

自魯王。鄭成功據臺灣後、未幾相次而沒、成功之子經尙保有臺灣而用明之年號、乘三藩之亂、大寇福建。廣東之沿岸、至其子克塽嗣、幼弱而將士多不服、時雲南之亂已定、聖祖欲取之以除後患、康熙二十二年、遂命施琅征之、克塽出降、

### 尼布楚之條約

聖祖既平三藩及臺灣、南方畧定、乃轉意於北方、與俄人結尼布楚之條約、是爲清俄交涉之始、

當本朝未入關時、俄羅斯稱強於北方、滅欽察地方蒙古族之諸汗國、專用力於東方、時東河河畔之哥薩克部長率其部下、從俄主遠征西

哥薩克

鄭經

西伯利亞

伯利亞、自後屢次侵畧、探檢黑龍江畔、築城堡於雅克薩尼布楚等地、盡力經營、滿洲守兵、屢爲其所侵、時世祖方有事於南方、不遑北顧、

聖祖嗣立、先築愛琿城以備之、尋遣兵攻哥薩克兵於雅克薩城、陷之、未幾、爲哥薩兵所奪復、聖祖遂介荷蘭、致書俄羅斯、約定邊境、遂各派使臣、會於尼布楚、結條約、悉復俄人所侵地、以格爾必齊河爲兩國之境界、

### 喀爾喀之內附

喀爾喀乃外蒙古、元之後裔土謝圖、車臣、札

噶爾丹

三汗來投

策妄拉布

薩克圖三汗之所分領、及噶爾丹起自厄魯特、之準噶爾部、侵入喀爾喀、三汗遂敗走而來投、由此噶爾丹全奪喀爾喀、更以追三汗爲名、來寇內蒙古、故聖祖親督大兵破其兵於昭莫多、

時噶爾丹外征日久、準噶爾部爲其姪策妄拉布坦所併、且前所畧定

回部、青海二地亦皆離叛、無處寄身、爲我國兵所窮迫、遂自殺、

聖祖歸三汗於喀爾喀、使布我朝之治、

### 西藏之征定

西藏爲唐古特之後裔領之、分青海、喀木、衛、藏四部、及策妄拉布坦併吞厄魯特之全部、國威益振、遂侵入西藏、襲殺拉藏汗、西藏喇嘛多應之、

前藏後藏

聖祖聞變、遣兵於西藏、擊退策妄拉布坦、凡通準噶爾部之喇嘛、悉予誅戮、舉拉藏汗之舊臣二人、使分治前藏後藏、且加封達賴喇嘛、使總統國教、

## 第二節 武功下

### 準噶爾之討

聖祖崩而

世宗雍正帝即位、青海之

主羅卜藏丹津反、侵西甯、及

世宗遣兵討之、走投準噶爾、

世宗因而遣使於準噶爾以索之、策妄拉布坦不奉命、未幾策妄拉

青海

布坦死，其子噶爾丹策零立，性狡猾而屢寇西邊。世宗乃發兵

征之，交戰亘六年，僅得定阿爾泰山以東之地。

世宗崩而

高宗乾隆帝嗣位，策零亦死而達瓦齊居汗

位，其族阿睦撒納與之不合，來投而言準噶爾之可取。

高宗遣

班第、永常二將與阿睦撒納共伐之，得達瓦齊及羅卜藏丹津，阿睦

撒納以功得領準噶爾部。

既而阿睦撒納反，破我朝之駐防兵，頻煽動四方，準噶又搖動。

平天山北路

高宗派諸將再征之，遂逐阿睦撒納於俄羅斯，於是天山北路全歸平

博羅尼都

定。

回部之征定 回部即天山南路地也，初喀什噶爾汗之子博羅尼

霍集占

都及霍集占二人共被執在準噶爾，及我朝兵征定之，請復其舊都，然

當阿睦撒納舉事時，霍集占在準噶爾與之通，既而阿睦撒納敗走，霍

集占歸國，與其兄博羅尼都共作亂。

高宗遣兆惠拔其根據地，葉爾羌及喀什噶爾，二人不得已走巴達克山，遂爲其酋長所殺。

自是本朝之威名，遙振蔥嶺以西，布魯特、浩罕、阿富汗等諸族，皆遣使通好。

高宗之南征

高宗既畧定天山南北路，四海悉沐本朝之

化，乃更用力於南方，伐緬甸、金川、安南、廓爾喀等國。

緬甸

緬甸當時都阿瓦，夙來朝貢，及雍籍牙奪王位，始與我朝絕而屢寇邊

境。高宗先遣雲貴總督明瑞伐之，及戰死，更遣大學士傅恒與

緬甸戰於金沙江上，大敗之，勢屈來請和。

高宗亦恐兵士病瘴

金川

瘴遂許之。

金川在金沙江上，分大小二部。

高宗之世，有土司莎羅奔者，始反，爲傅恒所征服，及莎羅奔之姪爲土司，極桀驁，反覆無常，其子索諾

安南

木與僧柔格共叛而攻畧四近、高宗遣阿桂征定金川地方、安南明宣宗時有黎利者、建國曰越、至其孫爲國王、大拓版圖、後其國分爲二、阮潢據西都、曰廣南、黎氏王東京、曰大越、至是有阮文岳與其弟文惠共舉兵先滅廣南、又併大起、統一安南、黎氏之裔黎維祁來奔乞援、高宗遣孫士毅擊之、恢復東京、使黎氏復位、其後反爲阮文惠所敗、文惠遂黎氏而自稱東京王、然文惠恐有後患而請降、

高宗亦懲前敗而許之、

廓爾喀

廓爾喀卽印度之捏巴爾、偶因後藏有內訌、乘而侵入、高宗乃遣福康安先清藏地、遂進入廓爾喀、且使傍近諸國共攻之、廓爾喀進退維谷、遂詣軍門請降、福康安命納貢幣、返掠品、而後還軍、

### 第三節 制度及學術

內閣  
六部

官制

本朝官制、多因明舊、京師置內部、與吏戶禮兵刑工六部、統治

軍機處

總理衙門

各省

天下、內閣有大學士、總理政務、吏部掌內外文官之進退黜陟、戶部統財政、禮部掌禮儀學事、兵部掌軍政及武官之進退、刑部統刑法、工部掌營造之事、及後經略塞外、更置理藩院、以管理西北諸藩屬、六部及理藩院長官曰尙書、其次曰左右侍郎、尙書侍郎以下之員、概屬偶數、以滿人漢人分任之、又有都察院科道各官、以司參奏、翰林院爲人材之所出、其餘各衙門、皆無實事者、高宗時、敕選內閣大學士、及各部尙書侍郎等爲軍機處大臣、使參決軍國機務、內閣漸失實權、故至今實以軍機處總理天下政務、後以外國交涉日繁、更設總理各國事務衙門、以統外交之事、

各省置總督巡撫提督等官、總督或轄一省、或轄兩省、握境內文武大權、巡撫主全省之吏治民事、提督統省內之兵事、巡撫之下、置布政使以管財政、按察使以掌刑獄、此外府有知府、州有知州、縣有知縣、以理

東三省

蒙古  
青海

西藏

八旗  
綠營

勇

旗兵

番兵

博學鴻詞

考證學

管內之民事，是皆有實權者。近年以天山南北路爲新疆省，其制度亦略同。

滿洲地方，分盛京、吉林、黑龍江三省，故亦曰東三省。各置將軍統之。盛京省則於首府奉天，置府尹，以總理省治。

內、外蒙古及青海地方，分之爲盟，更分之爲旗。盟有盟長，旗有札薩克，皆以本地之部長任之。在內蒙古者，直隸理藩院。外蒙古隸烏里雅蘇臺之定邊左副將軍。青海則於西甯置辦事大臣監之。西藏部則於拉撒置駐藏辦事大臣統之。

**兵制** 國初兵制分八旗與綠營。太祖時分滿洲兵爲八旗，正黃、正白、正紅、正藍、鑲黃、鑲白、鑲紅、鑲藍是也。及後征服內蒙古入中國，更以蒙古人與漢軍各編八旗，故共二十四旗。專任滿洲及京城警衛，又駐防全國要地。綠營者，自平定後，專以漢人編成之常備兵也。以鎮

撫各省及新疆、西藏等處。後於八旗綠營外，別有團勇。因匪亂時，各地創團練，以補綠營之乏者也。

內、外蒙古及青海則有旗兵。內蒙古四十九旗，外蒙古八十六旗。青海二十九旗，各任其地之警備。西藏則有番兵，所以防禦西藏，以土民編成之備兵也。

### 康熙乾隆之文運

國朝既以武功平海內，康熙、乾隆間更以文

德致治平。

二帝皆好文學，購求遺書，大敕文教，兩次開博學鴻

詞科，集天下名士，使成勅選大著述，內置四庫書，石刊十三經於國學，立藏書閣於江南。由是海內向風，文運鬱然而興。經史研究之風，一變而爲考證之學，文章詩賦之術亦大進。有毛際可、王士禛、朱彝尊、萬斯大諸儒著名於康熙朝，及至乾隆，有陳大受、張廷玉、王昶、陳宏謨、秦蕙田。方觀承之相業可觀，段玉裁、陳羣之著作，紀昀、袁枚之儒雅。



風流、皆稱盛一時云、

#### 第四節 歐人東漸

#### 葡萄牙之商業

歐羅巴人先以東洋海上之通商聞者、爲葡萄牙人、自元時統一亞洲、東西之交涉漸繁、黑海沿岸、爲重要貿易場、由是歐人士頻慕支那及印度之富饒、及創興羅針盤、陸續航海來遊、明孝宗時、葡萄牙王、獎勵航遠洋者、於是葡人之來頗多、明武宗時、畧印度海岸、建商館、尋略錫蘭、滿刺加。爪哇爲殖民地、自明成祖經略南洋、國人亦多商於南洋者、故佔據滿刺加。爪哇之葡人、至是更東進至廣東、尋於寧波。廈門建商館、明世宗時更佔廣東之澳門、且於同時至日本建商館、葡人從此握東洋之商權、凡百餘年、

西班牙人

當葡萄牙人遠亞非利加之南端、遠航東洋、西班牙人亦西航經亞美利加之南端出太平洋而至、佔比律賓羣島、明神宗時、遣使明廷、求許

佔澳門

通商、爲舊在之葡商所阻、不得要領、

#### 荷蘭之商業

荷蘭自明神宗時始來東洋、其商人最機敏、奪錫蘭、滿刺加。蘇門答臘。爪哇等爲殖民地、驅逐葡萄牙人、明熹宗時佔臺灣、與中國及日本、盛營貿易、及順治十年遣使北京求許通商、亦爲葡人所阻、後爲鄭成功略取臺灣、荷蘭兵艦屢助我軍破鄭氏、故得朝廷特許、通商於廣東、時日本禁歐洲通商、獨以荷蘭不傳耶穌教、亦許於長崎貿易、於是荷蘭代葡萄牙獨握東洋之貿易權、

#### 英吉利之商業

英人明神宗時始航印度、早於荷蘭數年、於印度。暹羅。爪哇等處建商館、至明懷宗八年、赴廣東。廈門通商、然爲葡商所抑、其在日本、又爲荷商所抑、不能大振、獨其在印度、勢力漸增、至凌壓荷葡二國之商人云、

#### 耶穌教

耶穌教自元亡時、已暫廢絕、當時歐州新舊二教之爭方

佔臺灣

利瑪竇

湯若望

南懷仁

劇、故舊教徒勢力既失於西歐、欲收之東亞、明孝宗時、至印度傳教、世宗時、更布於日本、至神宗時、始來廣東布教、其翌年利瑪竇亦來、從事布教者二十年、後入北京、得神宗允許、建會堂、利瑪竇死、龍華民。湯若望等紹其業、是等教徒皆精於歷法砲術、以故得明廷信任、及世祖定鼎北京、復厚用耶穌教徒、舉湯若望爲欽天監、繼湯後者、有南懷仁、亦爲聖祖所任用、故天文歷法砲術測量諸術、至是一新、

## 第九章 嘉道咸同間

### 第一節 內地諸寇

**白蓮教之亂** 我朝當康熙雍正乾隆百三十餘年間、四征不庭、外夷賓服、疆域之大、爲前古所未有、內而誣敷文教、溥海向風、國富且平、可謂盛矣、至乾隆末、苗犛教匪、往往作亂、天下漸多事、有稱爲白蓮教

劉之協

徐天德

者、假活病持齋爲名、偽造經咒、惑衆歛財、其黨劉之協等布教於川陝湖北、黨與日多、高宗臨御六十年、禪位於仁宗嘉慶帝、

白蓮教徒遂大起湖北、擾亂陝甘河南諸處、四川賊徐天德等乘之抄掠四川、屢遣兵攻之、未能平、

嘉慶四年 高宗大行、越四日、由軍機傳諭川陝湖北諸臣、大加督責、命刻期滅賊、於是將士銳意於剿、五月夏擒劉之協於河南、六年

伐徐天德、天德敗死、至七年川楚陝西之餘賊始平、

**海賊之變** 嘉慶初年、有艇盜之亂、艇盜者、安南阮光平父子竊國、

安南阮光平

艇盜

師老財匱、乃招瀕海之亡命資以兵船、誘以官爵、使劫內洋之商船、以濟兵餉者也、夏至秋歸、大爲粵地之患、而內地之土盜附之、遂深入閩浙、土盜倚夷艇爲聲勢、夷艇恃土盜爲嚮道、三省洋面數百里、官南則賊北、官北則賊南、當艇盜則土盜肆其劫、當土盜則艇援之、時川陝教

匪方熾、不遑征之、故賊氛益惡、

李長庚

蔡牽

嘉慶四年、安南之舊阮王與新阮交兵、擒海賊來送、皆內地奸民、受安南之僞封者也、五年六月、夷艇三十餘、土盜之舟六七十、逼台州欲登岸、定海總兵李長庚統三鎮水師擊之、一夕風雨起、賊船殆壞、八年李長庚破海賊蔡牽、牽渡台灣、九年劫臺灣米數千石入閩、閩不敢擊、且爲其所敗、長庚進破之、十年牽又犯台灣、結土匪攻府城、自號鎮海王、長庚連破之、十二年長庚與福建提督張見陞追牽入澳、破之於黑水外洋、長庚偶中賊砲而死、

朱漬

粵賊朱漬亦頻年標掠各地、時與牽合、廣東巡撫阮元以計離之、漬走閩而戰死、牽來定海、爲提督邱良功所剿、舉砲自裂其船沈於海、時十四年、海賊始平、

### 天理教匪之亂

自滅海賊、天下平靜、嘉慶十六年

仁宗

幸五臺山

八卦教

李文成  
林清

西巡狩幸五臺山以示盛、然未及二年而天理教匪之變又起、天理教又名八卦教、聚衆歛財、愚民之苦於胥吏者皆與之、河南滑縣之李文成、直隸大興之林清爲首、文成煽其衆、指星象以十八年九月十五午時舉事、林清密賄內侍、乘車駕幸木蘭秋獮回鑾時、伏莽於行在、謀定、中外無知之者、秋、滑縣知縣聞之、乃捕李文成下獄、斷其脛、賊黨以事迫、遂於九月七日起事、衆三千破滑、出文成於獄、知縣死之、諸賊起事倉皇、不及赴林清外應之約、

賊入內城

林清及期與其黨自宣武門潛入內城、日晡時犯東華西華門、其首以白帕爲號、而林清尙欲待河南賊而後進、時東華門之賊爲護軍所卻、入西華者八十餘、侍衛急閉隆字門、皇子等在上書房聞變、皇次子急發鎗殛賊、賊火隆字門、留守諸王大臣率兵自神武門入衛、敗賊飛報聞行在、

帝自白淵回蹕、下詔罪已、擒林清於黃村而後還宮、

那彥成

李文成既據滑、以脛之創甚、不能出爲流寇、遂圍滑、率精銳於道口鎖以臨運河、且爲長垣、於是以陝甘總督那彥成爲欽差大臣、使節制山東河南兵、討而大破之、追擊南首山、李文成縱火自焚死、官兵圍滑、晝夜環攻、時陝西三才峽之賊起、於是急於平滑、十二月、城陷、尋討三才峽、十九年正月剿平之。

### 回疆之亂

嘉慶二十五年

仁宗崩、宣宗道光帝嗣位、有回

疆之變、自乾隆戡定回疆、各城設辦事領隊大臣、喀什噶爾參贊大臣統之、並受北路伊犁將軍之節制、

嘉慶二十五年南路參贊大臣斌靜荒淫而失回心、回酋博羅尼都自乾隆時伏誅、其孫張格爾在浩罕、至是欲復祖業、率科布魯特人數百寇邊、領隊大臣率兵敗之、張格爾僅餘二三十之賊、舍騎步逃、官兵追及塞外、所獲百餘賊、斌靜悉誅之以滅口、

仁宗以斌靜之隱蒙

斌靜

張格爾

布魯特

具奏、疑之、特命伊犁將軍慶祥往勘得斌靜諾罪、褫斌靜職、道光二年以永節代之、亦不能撫馭、

五年夏張格爾又率布魯特人騷畧近邊、且詭降而要求無厭、內地之回戶多爲其耳目、官兵往捕輒遁、領隊大臣色彥圖以兵出塞擒之、不遇、則殺遊牧之布魯特妻子百餘而還、於是布魯特酋長大怒、率所部二千追覆官兵於山谷、十月、詔以慶祥代永芹、六年張格爾又與浩罕兵迫喀什噶爾、擊退慶祥、遂陷喀城、英吉爾沙、葉爾羌、和闐三城繼陷、乃以陝甘總督楊遇春爲欽差大臣、統陝甘兵馳赴哈密、會諸軍進剿、七年遂與伊犁將軍長齡共至喀城、走張格爾、尋復三城、朝廷以不誅元惡留後患、罰諸將、以直隸總督那彥成爲欽差大臣、使籌善後、官軍行反間、誘張格爾襲喀城以破之、終擒張格爾、絕浩罕之互市、十年浩罕入寇、復許其互市入貢、

浩罕

趙金龍  
趙福才

**楚粵騷亂** 有趙金龍者、湖南永州之獠也、與常甯之獠趙福才相接、民常欺其愚、官吏亦助其欺者、以是常積怨、偶因楚粵奸民之結天地會者、屢強劫其牛穀、獠無所控愬、於是金龍以復讎爲名、使趙福才糾廣東之獠三百餘、合湖南九冲之獠共六七百人、道光十一年焚掠兩河口、殺會匪二十餘、使兩廣總督李鴻賓擊之、不克、更命兩湖總督廬坤等進剿、賊分三路、每路各二三千人、官軍終誘至於山外平野殲之、殺趙金龍等、騷亂始平、

## 第二節 鴉片戰爭

**英商貿易** 英國以東印度商會之力、漸涉印度之內政、至我道光初年、幾已併吞其全土、乘勝注目於我國、圖推廣商務、英人之貿易、遂駕歐洲各國而上之、

貿易中止

止、商館之我國人皆辭歸、時我國以銀貨之外流、十一年間、流出六千萬兩、且英商以鴉片爲大宗、尤爲我國法所痛禁、雖然我國人忽於外事、以蠻夷視歐人、不知振興本國之商務、以與人相拮抗、惟以銀錢流出、論外交之不可、鴉片進口、又禁之不早、遂致流毒中國、殘弱生靈、而英人更不顧公理、強售鴉片害人之物、道光十七年、又遷於廣東貿易、終於爲鴉片出兵、見此最可恥之戰爭、

**燒除鴉片** 鴉片之入、在康熙初爲藥材納稅、乾隆三十年以前、每年多不過二百箱、及嘉慶元年、嗜者漸多、因嚴禁之、外商維利是視、乘愚民之嗜好、至嘉慶末私鬻者至三四千箱、始積於澳門、繼移於黃埔、道光初禁稍弛、道光六年至二萬箱、十七年至四五萬箱、十八年、以鴻臚寺卿黃爵滋奏、命各督撫議、中外皆主嚴禁、兩湖總督林則徐言尤烈、乃以則徐爲兩廣總督、面受方畧赴廣東、

林則徐

燒鴉片

禁英人通商

鴉片恥辱

琦善  
伊里布

十九年林則徐至廣東、諭外國商人、令於三日內、盡出所藏鴉片、於是查得二萬二百八十三箱、燒之於海口、英人乃退於澳門、則徐更令澳門之奸商、不準逗留內地、積鴉片之船、船貨均沒之、既而朝廷以英人反覆無常、并禁其通商、然猶有泊外洋而暗中輸入者、則徐與水師提督密籌、一夕乘月黑潮退時、出不意燬其船二十三隻於長沙灣、英人來寇、報聞英國、英廷議派遠征軍、道光二十年以軍艦十七隻、運船二十七隻來香港、當時英國持清議之士、無不以鴉片之爭、爲英國所恥辱、然終不能一轉其政策、唯持其武器之優、以欺凌我國、侵廣東、掠舟山、進犯寧波、我軍之在錢塘江口者、爲其所敗、侵入白河口、欲窺北京、朝廷褫林則徐官、命琦善、伊里布二人、總督廣東、福建、浙江軍務、至廣東與英官會議、議不協、進軍擊之、反爲所敗、二十一年、朝廷以琦善、伊里布之媾和、毀傷國體、罷其職、送京師、

耆英

五口通商

洪秀全

上帝教

既而英國派全權公使來華、并調駐印度軍犯廣東、逆將軍奕山等勢屈而降、更拔廈門、據舟山島、陷鎮海、殺欽差大臣裕謙、拔甯波府、二十二年我軍大舉向舟山、戰不利、英人進陷乍浦、畧吳淞、破上海、又溯江而上、攻鎮江府而屠之、進逼江甯、**江甯條約**、英軍勢甚暴、朝廷遂欲與媾和、命欽差大臣耆英與英國公使會商、於江甯締結條約、出償金二千一百萬兩、割讓香港、開上海、甯波、福州、廈門、廣州五口爲商埠、自後以平等之禮相交、不以蠻夷之稱加英人、是其條約之要件也、

### 第三節 髮匪大亂

**粵匪起事**、廣東花縣人洪秀全、少讀書、有才識、長應考試、終不上第、鬱鬱歸其鄉、時廣東人朱九濤唱上帝教、秀全與馮雲山等往師之、九濤死、秀全爲其所推、道光十六年、至廣西傳教、曾玉珩、楊秀清、



唱亂於桂平

太平天國

據江寧

韋昌輝。石達開之徒皆與之入教會者。男曰兄弟。女呼姊妹。以謙遜爲主。撰天父天兄等名目。天父曰耶父華。以耶穌爲其長子。呼曰天兄。秀全自稱爲其次子。擬彼教於基督教也。時以凶年外難。所在思變。道光三十年秀全唱亂於桂平之金田。是歲 宣宗崩 文宗咸豐帝卽位。官軍討洪秀全。屢爲所敗。林則徐爲欽差大臣。往廣西。又薨於途。咸豐元年閏八月。秀全既略大黎地方。陷榮安州。號太平天國。自稱天王。部將各封王。與丞相軍帥等。其徒皆蓄髮。故有長髮賊之名。咸豐二年秀全出武昌。沿江一帶。所向風靡。三年陷江甯。以爲都。據長江之險。扼形勝之地。精兵號六十萬。宮室服飾。一如帝王。其制度據西教。主自由而惡束縛。稱承明之緒。傳檄諸方。一似爲漢人吐氣者。故秀全之亂。全國震動。旌旗所向無不破。

湘軍

既而內不和。北王韋昌輝。殺東王楊秀清。秀全又殺昌輝。石達開亦遁赴安徽。然勢猶未衰。江南北其徒蔓延。

人才輩出

時刑部侍郎曾國藩。與其弟國荃。服親喪在湘鄉。興湘

淮軍

軍於長沙。編長沙長江水師。奉命討賊。胡林翼巡撫湖北。恢復武漢。稱湖北無虞。剛明耐苦。曉暢兵機之左宗棠。由是登庸。才大心細。勁氣內歛。之李鴻章。進而興淮軍。一時豪傑之在野者。無不立功競起。

當是時非獨髮匪。北京有英法同盟軍之寇。咸豐十一年

文宗

熱河

崩於熱河。穆宗同治帝卽位於離亂之際。以幼冲而太后垂簾

常勝軍

聽政。猛將俊傑。多赴髮匪之急。不遑北顧。髮匪北至山西。或略入直隸。南入浙江。以分官軍之力。時上海之紳商議借外兵。朝廷納其請。美國人華爾特編常勝軍於上海。屬江蘇巡撫之下。及髮匪犯上海。屢破之。後死於慈谿縣之戰。繼之者爲英人戈登。勇武而有才幹。轉戰立奇功。

江甯之役

**克復江甯** 自曾國藩創湘軍沿江東下屢復名城相持者數年其間雖堅苦萬狀勢常益振先復安慶爲根基注意僞都同治三年江浙江西亦多克復賊勢漸傾曾國荃彭玉麟等破賊迫金陵屯雨花臺賊之悍將李秀成李世賢圍攻之至四十六晝夜官軍尋拔天保城金陵城北合圍攻戰彌月開地道裝火藥四萬封七月十九火之裂城壁二十餘丈官軍突喊而入士卒多死者李秀成先遁後被捕伏誅洪秀全已於六月三十日知事不成仰藥而死衆以其子福瑱爲主至是遁諸將皆被捕搜殺殆盡三日之間斃十餘萬人云

秀全之亂自茲十五年蹂躪跨十六省所陷之城六百餘所過之處都市荒涼所失之財產不可數計以之失生命者不下二千萬彼中之凶悍者如李開方之守馮官屯林啓容之守九江蕭芸來之守安慶皆堅忍不屈江甯之役十餘萬之賊無一降者至聚衆自焚而不悔實古今

罕見之劇寇也

**捻匪回逆**

自破僞都左宗棠李鴻章等漸次平定江南至同治四年餘匪肅清然猶有捻匪回逆勢極猖獗西北之戎事甚棘官軍不能平捻曾任桂賴文光竄擾山東河南曰東捻張總愚擾秦中既及山西陝回甘回起數十所衆號百萬橫行腹地兩省無完土東南既定乃以李鴻章爲欽差大臣專力剿捻左宗棠爲陝甘總督兼顧捻回鴻章與劉銘傳等督淮軍盡力破匪同治七年捻匪始平既而左宗棠督諸軍定三路平回之策八年平陝西十年克甯夏十一年復蘭州省城其翌年肅州平而關內肅清

**第四節**

**英法同盟軍之寇**

**廣東起釁**

當髮匪大亂時又來外寇咸豐六月兩廣總督葉名琛因捕內匪有英國國旗之商船官吏入捕華傭十二人廣東英國領事

普通新歷史

第九章

六十九

東捻  
西捻  
陝回  
甘回

葉名琛

犯廣東

乞還十二人、葉名琛不應、爭議久不決、英人率艦隊進拔諸砦、葉名琛賞募外人頭、一夕燒西人館舍之在廣東者、會法國教士、亦有在廣西爲人所殺者、於是翌年英法二國軍相合攻廣東、未幾城陷、葉名琛被執至印度、廣東無主。

迫白河

**天津條約** 八年、英法美俄四公使連署名、呈書於政府、請辦此事、派使於上海、政府未及應、英法兩公使率軍艦至白河口而有所迫、尋陷白河之堡壘、進至天津、朝廷乃許和、於天津結條約、兩國退兵。

炮擊外艦

咸豐九年、英法兩國各派使臣、欲交換批准條約、及帶艦隊進入白河口、爲河口守兵所擊退、二國公使退至上海、各報其國。

據天津

**同盟軍來寇** 咸豐十年、英法發同盟軍、英軍一萬八千、法軍七千二百、先致國書逼我政府、政府拒之、同盟軍襲舟山島爲根據地、進向直隸灣、自北塘河口上陸、陷塘沽、占領白河、溯河至天津、英軍據右岸、

僧格林沁

法軍據左岸、乃命大學士桂良及尙書花沙納赴天津、與英法公使會商、更出償金。

**北京條約**

桂良等在天津會商、亦一時之權略、僧格林沁備兵

北京、欲剿同盟軍、事漏、同盟軍又起、僧格林沁率兵襲同盟軍於張家灣、又擊法軍於八里橋、僧格林沁奮擊突戰、漸破之、繼爲英軍所援而敗。

犯京城

恭親王遣書通和、旣而語不合、同盟軍進犯北京城。

文宗皇帝

燒圓明園

車駕幸熱河以避之、恭親王留守京城、英公使遣書恭親王、乞還所俘之英人、不獲報、同盟軍乃佔據圓明園、暴掠無不至、貪戾無厭之軍人、亂入殿閣、歷代所藏之重寶、皆爲其所奪、其大而不能攜者破毀之、旣而我政府還所俘英人、同盟軍強逼我開安定門、導其兵入京城、又以威迫我政府、限期訂約、且有甚無理之英公使、放火於圓明園、當代

約條約

無比之勝地、化爲灰燼、繼放火而殺掠、城內大擾、所謂文明國之戰、如此蠻行、時駐京俄國公使、有所調停於其間、恭親王不得已許英法二國所要求、奏褫僧格林沁及桂良之官、與英法二使締結條約、尋批准之、償英千二百萬兩、法六百萬兩、許耶穌教徒自由布教、準二國人內地遊歷、及內河行船、自江甯條約五口通商外、又開牛莊、登州、臺灣、潮州、瓊州、九江、漢口及天津、讓九龍於英國、二國與我可互公使駐京城。

創新政

此役以來、朝廷有識之士、洞見外事、曾左諸人開其先、故船政局製造局招商局方言館等、漸次創辦、遣學生出洋、聘外人爲顧問、歐洲文物、相接日近、無不爲此等之大辱所致也。

## 第十章 近年時事

### 第一節 俄人交涉

#### 北滿蠶食

自康熙朝與俄結尼布楚條約後、邊備漸弛、俄人東方侵略之心、更無已時、頻窺黑龍江畔、有虎視眈眈之勢。

俄人造使

嘉慶十年、俄遣使於北京、爲俄人貿易與諸外國均得入泊廣東、又置貿易事務官於黑龍江口及廣東、駐交際官於北京、俄之商隊、得往來內地等事、翌年、俄使與隨行二百四十二人共至庫倫、我朝命其隨員減少爲七十八人、俄使不聽、爭議及二月、終於命俄使二十四時內退去庫倫。

愛條瑣約

道光二十九年、俄之海軍官奉俄帝命視察黑龍江沿岸、以我無守兵、建俄之國旗、自黑龍江至朝鮮國界沿岸一帶及近傍島嶼、盡報可爲俄領、俄帝從之、派使來言疆界、其後屢率兵下黑龍江、迫我政府、欲定疆界、時南方多事、不及北顧、咸豐七年、俄軍艦來天津、尋去至上海、八年乃各派使於愛瑯城結條約、以黑龍江左岸一帶歸俄、右岸全土至

俄使調停

烏蘇里江歸我、烏蘇里江東岸地、爲二國所共有、且許俄得通航於松花江及烏蘇里江、

及英法同盟軍陷北京時、俄國公使在北京調停頗力、朝廷德之而容其請、改訂前年條約、於北京更結條約、於是兩國之疆界一大變、黑龍江北岸烏蘇里江東岸盡歸俄、滿洲舊疆域失其大半、

### 伊犁事件

伊犁在天山之北、準噶爾族久據此、以業畜牧、乾隆朝征滅之、置伊犁將軍居惠遠城以鎮之、自髮匪之亂、伊犁地方應之起事、同治年間、頻掠近鄰、勢甚猖獗、俄境且爲其所脅、於是俄遣將征服之、遂領伊犁地力、朝廷得報、乃有照會致俄、俄答以苦邊民掠境、不得已而略之、無兼併土地意、迨清國威令能行、當交還、當是時髮匪方平、乃命左宗棠專力西北、俄據伊犁而傍觀之、

及

穆宗崩而

今上光緒帝嗣位、左宗棠已平陝甘回匪、奉

俄領伊犁

左宗棠平  
新疆

崇厚

曾紀澤

阮福映

命督辦新疆軍務、與張曜、劉錦棠等率大軍出關、年餘天山南路、全歸平定、軍威大振、遠人懾服、乘勢迫俄兵退伊犁地方、俄廷答以將來須保護國境之安全、且償其年來鎮撫之費、則可以踐約、時光緒四年、以崇厚爲全權大臣、往俄都會議、俄多所勒索、崇厚不能爭、結假條約以歸、於是朝臣皆非之、以其讓步過大、且於通商道路多不利、左宗棠亦陳其不可、朝廷以崇厚辱國命、將處以死刑、爲俄所請而赦之、乃命曾紀澤爲欽差、時兩國之和議將破、危機日迫、宗棠進軍伊犁、俄遣軍艦來海上、冀震嚇京師、曾紀澤至俄、以百折不撓之力、巧爲討論、光緒六年、乃彼此相讓、改訂條約二十條、平和結局、

### 第二節 越南之事

#### 法越事變

乾隆時、安南有阮文岳之亂、阮潢之裔阮惠王爲其所虜、姪福政卽位、又死賊手、其弟阮福映、與法國教士共逃至暹羅、力謀

畧西貢附近

畧東蒲塞

恢復、求援於法國、與法王結盟約、於是得法兵之助、統一安南、恢復舊業、時當嘉慶朝、阮福映使人來貢、乃封爲越南國王、後經十餘年、法國遣使於安南、阮福映不欲與尋舊約、其歿時、有宜防法人、不可割與土地之語、歷代之繼之者、皆不喜外人、屢殺其教士、由是積怨、當我咸同間、法國派兵來安南、奪柴棍地方、破安南軍、既而取西貢附近之三州、當是時、東京黎氏之徒起、侵略東京東北部、遣使柴棍、請援於法軍、越南王聞而大懼、與法結盟約、出償金、且三州鄰近諸地、以多事之際、歸法管轄、既而內亂平定、求還三州以外之地、法人不聽、齟齬許久、尋又乘東蒲塞之叛、法軍略之、於是定爲法人保護國云、法國既得越南之一部、異圖猶未已、同治末年、又以布教及紅河通航事逼越南、更以保商爲名、擅派兵駐守其內地、尋又攻陷東京、先是時

黑旗軍

法越和議

天津會商

長髮賊之餘黨、有遁入東京山中者、其長曰吳棍、侵入東京、勢頗猖獗、越南不能拒、來請援於我朝而破之、吳棍之二部將不和、各樹一黨、曰黑旗軍與黃旗軍、黃劣而黑強、黑之首領爲劉永福、及法陷東京、越南王憤法人橫暴、與黑旗軍結、藉其力而擊退法兵、法乃與越南擅自議和、以越南爲獨立、越南有亂、則法當援之、

### 法國交涉

法越之條約成、越南來報、朝廷多不悅、既而光緒八年、法兵又入東京之海防府、且奪河內府、時曾紀澤爲公使在法京巴黎、與法相會商、以越南爲我之藩屬、力爭其非、偶因招商局輪船搭載越南之貢米、途爲法艦所扣留、曾紀澤因而盡力爭之、雖極折衝之勞、不得要領、李鴻章亦在天津、與駐京法國公使會商、久不能決、既將決而法政府又變而破、朝廷出大兵援越南、

黑旗軍劉永福助越南、攻法兵於河內府、殺法將、法政府乃出巨額兵



結條約

諒山

孤拔

費來攻、光緒十年、逐黑旗軍、黑旗退守北甯、法兵進陷北甯、及順化府、李鴻章乃與法國司令官結條約於天津、時諒山爲我兵所守、法兵約欲拈據之、諒山守兵不知天津條約、及法兵襲諒山、拒之、

### 福州之役

法自襲諒山、多有死傷、於是來索賠款、法公使與兩江總督曾國荃會商、議不決、法將孤拔遂率艦隊寇臺灣、陷淡水、進迫基隆、然我軍處處嚴防、襲復而破之、法軍一無所得、乃寇福州、福州在閩江之涯、水有兵艦、陸有砲臺、以守將疎忽、致爲法艦所闖入、兵艦砲臺均爲所破、尋我軍馮子材與黑旗軍合而大破法軍、克復諒山、法人所費多多、事之成敗不可知、由是氣大沮、其海軍監督孤拔悔其策之非、悶死於澎湖、

### 天津媾和

時法之內閣亦交代、法之輿論、多非遠征、於是退而媾和、李鴻章與法公使又結條約於天津、法允不索費、我失越南主權、時

光緒十一年、成和議、

## 第三節 朝日之役

### 日侵臺灣

日本向不與本朝通、自同治十年來議和好條約始、同治十一年、日本之琉球藩人航海遇風、漂流於臺灣、爲生番所害、翌年又有日本人遇其害、日政府乃遣使來問、朝廷答以臺灣東部之生番、本爲化外之民、十三年、日本竟遣西鄉從道率兵入臺灣、殺戮番民、朝廷乃遣兵艦至臺灣、令其撤兵、日本遣大久保利通來京、與恭親王及諸大臣會議、久不決、以英國公使居間調停、朝廷出償金五十萬兩而事平、

### 朝鮮交涉

朝鮮向爲我朝之藩服、世受冊封、乾隆以後、內地之耶穌教徒、陸續入其地、同治初年、李熙爲朝鮮王、以年幼、其生父大院君李是應執政十餘年、暴斂殺戮、無所忌憚、又虐待耶穌教人、迭與法美

生番

出償金

大院君

## 二國開釁

江華砲擊

日朝立約

襲日使館

閔妃

日本自明治維新後，屢逼朝鮮訂交，時朝鮮之大院君，意氣方盛，力主鎖國，偶有日本兵艦入江華灣，被朝鮮砲擊，日本乃乘此干預之。先是時法美二國與朝鮮釀事，以朝鮮爲我屬國，均有照會來北京，我政府以向不干涉其內治，和戰之權，任其自有，日本因而欺朝鮮爲獨立，遣使朝鮮，議江華砲擊事，擅與立約通商，時光緒二年也。既而朝鮮人忌日人之橫，大院君又因之欲行鎖國政策，光緒八年時，襲日本使館，殺其武官，日本又來問罪，時我欽差馬建忠與提督丁汝昌至仁川，執大院君而歸，於是朝鮮與日使議和，出賠款五十五萬元，準日本兵駐京，守護使館，使朴永孝等至日本謝罪。自大院君廢，愚暗之國王，又受制於悍妻閔妃及外戚閔氏，朴永孝等自日本歸，年少氣盛，欲亟變國政，但政要均歸閔氏一族，由是國中分

新舊黨爭

新舊兩黨，日本又巧爲干涉，陰助其新黨，究之朴永孝等少深謀遠慮，當光緒十年，刺舊黨首領閔泳翊，進入王宮，殺閔族高官，奉國王發新政之令，求援於日本使館，日使竹添進一郎率兵進，於是其王屬諸人來請兵於我國，欽差袁世凱，我軍乃進迫王宮，擊退日本兵，國王來投，日使退於仁川，新黨一敗塗地，日本更遣井上馨入朝鮮，納賠款十三萬圓。

天津條約

又遣伊藤博文及西鄉從道來北京，朝廷乃以李鴻章及吳大澂爲全權大臣，與會議於天津，兩國駐朝鮮兵均撤去，自後欲派兵，兩國須互相知照，由是締結條約，日本與我國在朝鮮之權利相同矣，時光緒十一年。

## 中東之戰

自朝鮮新黨敗後，袁世凱聲望傾內外，故日望干預朝鮮之日本，遂不免且暮忌之，光緒二十年，朝鮮東學黨之亂起，官軍所

東學黨

開戰

丁汝昌自盡

在皆敗，來請援於我駐韓使臣袁世凱，朝廷遣兵援之。日本見我出師，亦從而發兵入朝鮮，及我軍既平東學黨，使日本撤兵。日本又以改革朝鮮內政爲名，來與我議，朝廷拒之。日本乃專力威迫朝鮮國王，且率兵入內。時袁世凱以事回國，於是朝鮮政府爲日本所挾制。當是時兩國並未告戰，日兵突攻我軍於牙山，又於豐島擊我海軍，於是朝廷大怒，布告開戰，發大兵使左寶貴、衛汝貴等守平壤。日兵來犯，卒爲其所陷，退出朝鮮境。既而黃海一戰，海軍又爲其所敗，失兵船數隻。由是我軍失色，日兵渡鴨綠江，進犯盛京省。我督師諸將帥吳大澂、宋慶等連戰皆北，名城迭失。自二十年秋間至翌年春，戰無一利。旅順大連灣牛莊威海衛諸要口，均爲所蹂躪。海軍提督丁汝昌在劉公島，勢窮仰藥而死，敗餘之北洋兵船，爲日所得。關內外大震。

### 馬關訂約

時美國公使居間有所周旋，北京美公使電照日本之

美使周旋

李鴻章起

美公使使言各派全權媾和事，日政府亦決議，派內閣總理伊藤博文及外務大臣鹿奧宗光爲全權大臣，使於廣島會議。光緒二十一年，我全權大臣戶部侍郎張蔭桓及湖南巡撫邵友濂至廣島，尋以不合而回。後任李鴻章爲全權大臣，與伊藤。鹿奧會於馬關訂約，認朝鮮爲獨立自主國，出賠款二百兆，割遼東半島及臺灣澎湖與日本，開沙市。重慶。蘇州。杭州爲商埠，是役也。姑無論所失幾何，日本一島國，詡詡得意，聲勢漸增，儼居爲地上之強國，如我之一敗塗地，情見勢絀，日來列強之欺侮，甚可辱也。

### 日還遼東

自馬關訂約，朝野上下，無不非之，有言借助歐洲強國以圖挽回者，於是俄國約德法二國共責日本要求之非分，以遼東佔據，非但危清國之首都，併使朝鮮之獨立，亦歸有名無實，約其地永遠不得佔據，日本當其境無可如何，欲戰則不足以敵三國，乃將遼東還

義德法仗

附、又索增改賠款銀、

歐人要求 俄法德三國以援遼東事、見好於我、固欲從而得利者、二十三年、德國軍艦以殺教士之細故、突入膠州灣上陸、迫逐我兵官、行同蠻野、遂強朝廷租其地、尋俄人借旅順口及大連灣、英固與俄勢不兩立者、亦因之而借威海衛、而法人又來強借廣州灣、

#### 第四節 近年朝政

宮廷前事 初、同治十三年十二月

穆宗患痘崩而無嗣、

皇后亦相繼崩、

慈安皇太后及

慈禧皇太后、迎立

醇親王之子入繼

咸豐帝之後、即

今皇上是也、年僅四歲、

兩宮聽政、時有主事吳可讀戶諫為

穆宗立嗣事、得

兩宮懿旨、以

今皇上生有皇子、即行承嗣

穆宗、

後六年

慈安皇太后崩、於是

慈禧皇太后一人聽政、十

吳可讀戶諫

五年

今皇上册立

皇后、

太后歸政、

戊戌變法

自二十一年與日本和議後、外事之欺凌日甚、創瓜分

中國之說者、始騰諸口實、繼見於報章、於是有識之徒、多憤激、唱變法

自強之論者、接踵並興、報館學堂、亦陸續興辦、

二十四年戊戌、

皇上憂國事日非、銳意振興、先是時工部主事康

有為、亦屢上書陳國事之急、四五月間、

皇上乃下國是之詔、督責

四卿

中外諸大臣、實行新政、用楊銳、林旭、劉光第、譚嗣同為四品卿、使參

預新政、繼又命康有為督辦官報、此外知名之士、多不次擢用、夏秋數

月之間、革新之詔數十下、廢八股、改文武科考試制度、使歸實用、准天

下士民上書、大開言路、詔各省府廳州縣、編立學堂、學者以次遞升、予

以出身、以獎勵實學、廢天下不入祀典之菴廟寺觀、盡改為學堂之用、

工商諸業之能出新法新製者、得保獎專利、裁撤京中各寺卿諸冗員、

新政大端

芒 十子 八年在位  
 不降 五子 九年在位  
 厘 二子 十一年在位  
 皐 九子 十一年在位  
 桀 五子 十一年在位

胤 十子 十六年在位  
 廌 二子 十一年在位  
 孔甲 三子 十一年在位  
 發 十子 十一年在位

商紀 共三千八百四十四年

成湯 天姓子 在位三十三年  
 沃丁 二子 九年在位  
 小甲 位太 七年在位  
 太戊 七子 五十九年在位  
 外壬 位仲 五十九年在位  
 祖乙 位河 五十九年在位  
 太甲 三子 十三年在位  
 太庚 二子 十五年在位  
 外己 位太 十三年在位  
 仲丁 位太 十三年在位  
 河甲 位外 十三年在位  
 祖辛 位祖 十三年在位

沃甲 二子 五十五年在位  
 南庚 二子 五十五年在位  
 盤庚 二子 五十八年在位  
 小乙 二子 五十八年在位  
 祖庚 位武 七十五年在位  
 廩辛 位祖 七十五年在位  
 武乙 位庚 四十五年在位  
 帝乙 三子 七十五年在位

祖丁 三子 五十二年在位  
 陽甲 位祖 七十五年在位  
 小辛 二子 五十一年在位  
 武丁 五子 五十九年在位  
 祖甲 三子 五十三年在位  
 庚丁 位祖 二十一年在位  
 太丁 位武 三十一年在位  
 紂 位名 三十三年在位

周紀 共三千八百七十四年

武王 天姓子 在位七十七年  
 康王 位名 二十六年  
 穆王 位名 五十五年  
 成王 位名 三十七年  
 昭王 位名 五十年  
 共王 位名 二十二年

懿王 名懿 共王之子 在位二十五年  
夷王 名懿 共王之子 在位二十六年  
宣王 名靜 厲王之子 在位四十六年  
平王 名宜 幽王之子 在位五十年  
莊王 名栢 宣王之子 在位二十五年  
惠王 名開 莊王之子 在位二十五年  
頃王 名壬 頃王之子 在位六年  
定王 名瑜 頃王之子 在位二十一年  
靈王 名泄 心簡王之子 在位二十七年  
悼王 名猛 景王之子 在位一年  
元王 名仁 敬王之子 在位七年  
哀王 名去疾 哀王之子 在位三月

孝王 名辟 方繇王弟 在位十五年  
厲王 名胡 夷王之子 在位二十六年  
幽王 名涅 宣王之子 在位十一年  
桓王 名林 平王孫 在位二十三年  
僖王 名胡 齊莊王之子 在位五年  
襄王 名鄒 襄王之子 在位三十三年  
匡王 名班 頃王之子 在位六年  
簡王 名夷 定王之子 在位十四年  
景王 名貴 靈王之子 在位二十四年  
敬王 名匄 悼王弟 在位四十四年  
貞定王 名介 元王之子 在位八年  
思王 名叔 貞定王之子 在位五月

考王 名虬 真定王之子 在位十五年  
安王 名威 烈王之子 在位二十六年  
顯王 名扁 烈王弟 在位四十八年  
赧王 名延 顯王之子 在位五十九年  
東周君 名僇 亦赧王所亡 在位七年  
自周亡至秦一統二十七年  
秦紀 共二帝十五年

威烈王 名午 考王之子 在位二十四年  
烈王 名喜 安王之子 在位七年  
慎靚王 名定 顯王之子 在位六年

始皇帝 名政 滅六國 爲皇帝 在位十二年  
子嬰 始皇子 降於漢 在位六十四日  
自秦亡至漢一統四年  
漢紀 共十三帝合王莽及淮陽王二百二十六年

二世皇帝 名胡亥 始皇子 在位三年  
惠帝 名盈 高祖子 在位七年



呂后名嬪位八年

文帝名恒位二十三年

景帝名啟位十六年

武帝名徹位五十四年

昭帝名弗位十三年

宣帝名詢位二十五年

元帝名爽位十六年

成帝名騫位二十六年

哀帝名欣位六年

平帝名衡位五年

孺子嬰宣帝元后孫王莽居攝二年王莽篡位十五年

淮陽王名元春在位二年

東漢紀 共十三帝一百九十六年

光武帝名秀位三十五年

明帝名莊位十四年

章帝名炟位十八年

和帝名肇位十一年

廢帝名隆位一年

安帝名祜位十九年

順帝名保位十九年

冲帝名炳位一年

質帝名續位一年

桓帝名志位二十一年

靈帝名宏位二十二年

少帝名辯位六月

獻帝名協位二十一年

三國後漢紀 共二帝四十四年

昭烈帝名備字玄德景帝之後在位三年

後主名禪昭烈帝子

附魏 文帝曹丕 明帝曹叡 齊帝芳 高貴鄉公髦 陳留王

共五主四十六年

附吳 大帝孫權 會稽王亮 景帝休 歸命侯皓 共四主

五十九年

晉紀 共十五主一百五十五年

武帝姓司馬名炎字世安溫縣人在位二十五年

惠帝名衷武帝子

懷帝名繼武帝子

愍帝名鄴武帝孫

晉東

元帝

晉司馬懿之

明帝

在位三年

成帝

在位十七年

康帝

在位二年

穆帝

在位十七年

哀帝

在位四年

帝奕

在位五年

簡文帝

在位二年

孝武帝

在位二十四年

安帝

在位二十二年

恭帝

在位二年

附十七國

漢

劉淵 和 聰 新華 劉曜 熙

後趙

石勒 弘 虎 世 翼 祗 冉閔

前燕

慕容廆 皝 暉 暉 暉

前秦

苻洪 苻生 苻丕 苻登 苻崇

後秦

姚弋仲 姚萇 姚興 姚泓

成

李特 流 雄 庾 期 壽

前凉

張軌 寔 茂 駿 重華 曜 暉 元靖 天錫

後凉

呂光 紹 纂 隆

南凉

秃髮烏孤 利鹿孤 傉檀

北凉

段業 沮渠蒙遜 沮渠牧犍

西凉

李嵩 歆 恂

後燕

慕容垂 寶 評 麟 閼汗 盛 熙 高雲

北燕

馮跋 弘

西燕

慕容冲 段隨 永

南燕

慕容德 超

西秦

乞伏國仁 乾歸 熾磐 慕末

夏

赫連勃勃 昌 定

南朝宋紀 共八帝五十九年

高祖 姓劉名裕字德裕在位三年

文帝 名義隆高祖子

廢帝 名子業武帝子

蒼梧王 名昱明帝子

少帝 名義符高祖子

武帝 名駿文帝子

明帝 名彧文帝子

順帝 名準明帝子

南朝齊紀 共七主二十三年

太祖 姓蕭名道成在位四年

鬱林王 名昭業武帝孫

明帝 名昱太祖兄

和帝 名寶融明帝子

武帝 名頊太祖子

海陵王 名昭文武帝孫

東昏侯 名寶卷明帝子

南朝梁紀 共四主五十五年

高祖 姓蕭名衍在位四十八年

簡文帝 名綱高祖子

元帝 名繹高祖子

敬帝 名方智元帝子

南朝陳紀 共五主三十二年

高祖 姓陳名霸先

廢帝 名伯宗文帝子

後主 名叔寶宣帝子

文帝 名憺高祖兄

宣帝 名顓文帝弟

附北魏 道武帝 拓跋珪

明元帝 嗣

大武帝 識

成帝 潘

獻文帝 和

孝文帝 恪

孝莊帝 攸子

前廢帝 恭

後廢帝 朗

百四十九年

孝靜帝 善

十七年

魏西 文帝 寶炬

主欽 恭帝 廓

共三主二十二年

北齊

高洋 殷 演 湛 緯 恒

共六主二十八年

周

宇文覺 號 思賢 閔

共五主二十五年

隋紀 共三主二十九年

高祖 姓楊名堅 在位十四年

煬帝 名廣高祖子 在位十二年

恭帝 名侑煬帝孫 在位一年

唐紀 共二十帝一后二百八十九年

高祖 姓李名淵 在位九年

太宗 名世民高祖子 在位二十三年

高宗 名治太宗子 在位三十四年

中宗 名顯高宗子 在位五年

武曌 高宗后 在位二十一年

睿宗 名旦高宗子 在位三年

玄宗 名隆基睿宗子 在位四十四年

肅宗 名亨玄宗子 在位七年

代宗 名豫 在位十七年

德宗 名适代宗子 在位二十五年

順宗 名誦 在位一年

憲宗 名純順宗子 在位十五年

穆宗 名恒 在位四年

敬宗 名湛穆宗子 在位二年

文宗 名瀟 在位十四年

武宗 名炎 在位六年

宣宗 名忱 在位十二年

懿宗 名漠 在位十四年

僖宗 名儇 在位五年

昭宗 名晔 在位五年

哀宗 名祝 在位三年

五代紀 梁共二帝十六年

太祖 姓朱名溫 在位六年

末帝 名友貞太祖子 在位十年

唐共四帝十三年

莊宗 姓李名存勖 在位三年

明宗 名嗣源李克用子 在位八年

閔帝 名從厚明宗子 在位四月

廢帝 名從珂明宗子 在位二年

晉共二帝十一年

高祖 姓石名敬瑄 在位七年

出帝 名重貴高祖兄子 在位四年

漢共二帝四年

高祖 姓劉名知遠 在位二年

隱帝 名承祐 在位二年

周共三帝九年

太祖 姓郭名威 在位三年

世宗 名榮子 在位六年

恭帝 名宗訓 在位六月

附十二國

吳越 錢俶 元璣 弘佐 弘鑑 弘徽

吳 楊行密 渥 演 濬

岐 李茂貞 昭

前蜀 王建 衍

燕 劉守光

楚 馬殷 希範 希範 希範 希範 希範

閩 王審知 鍾訓 鍾約 鍾舉 鍾崇 鍾文 鍾政

南漢 劉隱 昶 晟 鋹

南平 高季興 從誨 保融 保勣 繼冲

後蜀 孟知祥 昶

南唐 李昇 景 煜

東漢 劉崇 承鈞 繼恩 繼元

宋紀 共十八帝三百二十年

太祖 姓趙名匡胤 在位十六年

太宗 在位二十二年

真宗 名恒 在位十五年

英宗 名曙 在位四年

哲宗 名煦 在位八年

欽宗 名亶 在位一年

孝宗 名昀 在位二十七年

宋南

光宗 名惇 在位五年

八

帝宗 在位三十年

理宗 在位四十年

度宗 在位十年

恭宗 在位一年

端宗 在位三年

帝昀 在位一年

附金 太祖

太宗

熙宗

海陵王

世宗

章宗

衛紹王

宣宗

哀宗

元紀 共十三十八十八年

世祖 在位十五年

成宗 在位十三年

武宗 在位四年

仁宗 在位九年

英宗 在位三年

泰定帝 在位四年

明宗 在位八年

文宗 在位五年

順帝 在位三年

順帝 在位三年

明紀 共十六帝二百七十七年

太祖 在位三十一年

建文帝 在位四年

成祖 在位二十二年

仁宗 在位一年

宣宗 在位十年

英宗 在位八年

景帝 在位七年

憲宗 在位三年

孝宗 在位十八年

武宗 在位六年

世宗 在位十五年

穆宗 在位六年

神宗 在位十八年

光宗 在位一月

熹宗 在位七年

懷宗 在位十七年

大清

世祖章皇帝 順治十八年

聖祖仁皇帝 康熙六十一年

世宗憲皇帝 雍正十三年

普通新歷史

歷代帝王總紀

九



高宗純皇帝

乾隆六十年

仁宗睿皇帝

嘉慶二十五年

宣宗成皇帝

道光三十年

文宗顯皇帝

咸豐十一年

穆宗毅皇帝

同治十三年

今上皇帝

御名載灃